

石城縣志

光緒十四年重修

ル 5
1313
7



門 儿 呂 5
編 1313
卷 7



石城縣志卷之八

揭崇棻分纂

藝文志

案藝文一門舊志不分部目今據人物傳中所載並探訪所及謹依四庫全書目錄體例分列經史子集各具作者時代姓名以次於篇

經部

易經旨意

明黎民鐸撰舊志列傳

周易一說五卷

國朝鄒士操撰府志列傳

翼經覽要四卷

國朝鄒士操撰府志列傳

學庸箋註

國朝歐陽絢撰探訪冊

四書旁瀋一卷

國朝陳六徵撰探訪冊

關仕龍序曰竊惟孔孟之書文似布帛味同菽粟粗心人未許領取也洪惟我朝聲教四訖天語丁

石城縣志

卷之八

藝文

經部

一

書命題學人勇於進取家有洙泗戶有鄒魯所以求不
犯疑者功在四書四書孔語是自然孟語是事實要冷
看要熟讀子朱子顯示人以觀書之法矣使筆抹青紅
能無一字豈致說鈴書肆亂吠蒼黃乎予自辛酉成進
士歸授生徒誦誦說鈴書肆亂吠蒼黃乎予自辛酉成進
江陳生六徵種學績文法相期吾黨每於四書加之意廉
閒嘗所輯之書有數種種心遊濂洛丁卯來學居心遠到
而四書旁藩博極訓詁極種理出人意表足徵學問之宏
至當尤不朽之盛業也出而問
世當必紙貴洛陽價重雞林矣

六經註疏

國朝陸喬松輯採訪冊

學庸解

國朝李實輯採訪冊

四書摘要二十卷

國朝陳尚翔輯採訪冊

五經旁注十卷

國朝陳尚翔輯採訪冊

周禮易解二卷

國朝陳尚翔輯採訪冊

周易本義輯錄四卷

國朝閻秀余雲馨輯採訪冊

史部

奏議一卷

明黃充撰採訪冊

石城縣志

國朝梁之棟修何嶠輯阮通志

梁之棟序曰嘗聞邑之有志猶夫國之有史也國有史
則朝聘會同禮樂兵刑之典有所寄邑有志則山川人
物官政田賦之蹟有所考邑志載一邑之事猶之國史
載天下之事皆以垂不朽也所繫豈小小者與余以不
敏承乏石邑心勞政拙日切飲冰才薄學淺愧無片善
當簿書追輸迄無當晷而精神亦已做敝焉又安能旁
及著述為一邑謀不朽哉雖然文章盛衰關乎世教廢
者有年興亦有候實有逼而不得不應者因集邑中紳
士而議之以為石邑舊固有志第關者莫補斷者莫續
因循相待夫是以愈久而愈失矣若不慎重其舉以之
考證詳確斯志亦猶然未備也即欲砥世勵志標淑慝
於既往昭勸懲於將來庸有當乎是用偕世勵志標淑慝
復延孝廉黎先生暨諸士合相參酌重輯續補或遠搜
典籍或近採宿耆或仍舊而刪正其冗差或取新而增
益其未備彙集成書三閱月而乃告竣焉余慙焉而知
媿媿其無功也余輟然而志喜喜其集竣也然其所以
得竣者諸紳士之勞是即諸紳士共襄之力也能使讀
是編者其賢豪有建功樹猷之想而問里興士人君子
之行是又石志之幸也余亦惟有慶厥成謀不朽得以
日為夜思初終不易俯仰質於天人者告無罪已爾

敢自居其功而貽羞於世者噫石邑之志誠由此守而勿失墜有隨舉以至永久可傳其所幸又有不勝言者矣安論誰得而誰失哉

此余之所不敢居功也
何嶠序曰自時巡不行久矣不聞入疆之轍其得以島海荒邑上陳一人之睿覽俾遠邇咸指掌者所持普天之下若都鄙若州若縣夫猶各有誌載版籍存焉爾煙火近借郵人筆窠窠長邀日臨如石城去京甸八千餘里渺杳羅州地也於秦為象郡迄漢邳離侯南略若詹耳安定高雷歷宋齊陳隋廢置無常及李唐後聲教漸廣文軫日敷輯撫代不乏人至明朝始以隸粵東之高府蓋自是而衣冠文物行且伯仲中州也茲際梁侯臨淮厥土公事之暇為徵聞見於枯木之林為索廬餘於兵燹之後購求前編纂修今誌以為匪惟備文獻之飭實資政事一助將藉以鏡古昔之得失以識治行之污隆以資興觀以供懲勸使閱所紀錄而如奉天子以行入疆之鉅典甯非述職第一義乎爰命余參訂於其末余竊讀之若建置若疆域若年表若人物若祀典若風俗物產食貨以及文苑武備雜志所宜仍者仍之宜刪者刪之宜補者補之或以傳信或以傳疑猶於審所著述中不忘夏五己丑之遺意即余亦何容贊一辭也其誌建置輿疆也攷興革而依時勢以別利害也其誌年表人物也以臚一日之臧否作九原而辨從違也其誌祀典也有德於民則祀之有功於民則祀之能

為民禍福則祀之明有禮樂幽有鬼神祈報由辟靡不俱舉為民慮者周故為民而敬者悉也其於風俗有誌物產有誌食貨有誌所以釐貞淫覈奢儉以識政教所由施也其於文苑有誌武備亦有誌思天下不可以馬由治則彬彬者貴而安不忘危經緯毋容偏廢也其誌之也因而非襲增而非贅偶刪削而非遺即並存而非雜凡以鏡得失識汙隆資興觀供懲勸者於是乎在其以上追採謠納價之勤思以贊皇圖能邇柔遠之蹟者於是乎在今是書既成梓工將畢而又命余弁以一言余以為維國有史在館供事諸臣得而披陳之維邑有志合屬得而表章之似尤司翰自外者所不得辭也

石城縣志

國朝李國修張志

李國修曰稽古列國皆有史所以紀事也而政治繫焉自孔聖筆削魯春秋二百四十二年千萬世標為刑書如日月之經天厥後作史者有傳有志有書變編年而庀材亦富殆云盛矣而終不如各邑之誌為核而備山川財賦風俗人物一開卷而瞭然故蘭臺石室無不於此借鑑焉使踵事者徒因循以爲補綴裨官齊諧非穢則誣余承乏石城公餘與諸子備譚思奮武衛必先揆文教嘗鳩諸子課文以寓激勸之意諸務或可次第舉也而猶愧未遑今奉上臺督修縣志因取前所修輯者細為緝閱景前哲之流風而慨慕之稽土風之好尚

而損益之於吏治之得失不無少補然必知山川之險
 易而後經略可行則兩粵扼要唯三合北交陸而甯焉
 者伏處雙江既會迤邐而朝宗於海則昔之橫山堡是
 其要也今遷於安鋪置臺墩而扼海口惟西路入廉驛
 遞蕭條路僻而民稀綠林於此出沒按圖而思周官野
 廬氏不可不豫至於田賦則枵爾十一里爾而不足者
 實可隱憂其田約中其賦實下下無土產資其採取
 故租庸調悉取之於一片埔田且因遷海而流離過半
 近蒙 聖明開界而哀鴻頗集雖魚鹽尚未廣其利而
 口食之鹽亦不乏矣使禁嚴而不擾則資生者益大安
 知今日之石城不復為昔日之石城也繼富議教俗尚
 乃敦邑中四方雜處聲氣互異久之咸歸於樸儉故四
 禮亦知遵行朱文公迺魯史之行何寥寥也十室之邑
 必有忠信但人多徑情而行而名不出閭里是以士即
 不及彼都人士亦不敢為奇衺之行文章雖不及先達
 爾志氣實可與維新一言一行節錄而錄存之志謹爾
 余才乏三長知史譜即治鑑也於數者實加意云即未
 暇網羅遺軼隨將舊刻而刪補之以存徵信是在有心
 世道者一
 裁之謹序

石城縣志

國朝周宗 臣韓鏐修

周宗臣序曰地理之書肇自禹貢至於成周又別之為
 圖為志各建官設屬以掌之圖以知山川形勢之所生

則大司徒職方司險之所掌也志以知語言土俗博古
 久遠之專則小史內史之所掌也而又有土訓誦訓之
 官通圖志以詔王其詳見於周官凡皆以通天下之志
 達上下之情使無過壅一道德同風俗而致天下於大
 順其所繫之大如此後世郡縣雖或有志而不領於王
 官有司者謂非吏議所急故其為書或苟且以應故事
 其於治教所關戶口之登耗田土之豐歉財賦之盈縮
 人才之盛衰吏治之得失風俗之醜離可以昭法戒勸
 將來者多略而不書則其去成周之意遠矣丙寅夏余
 署篆於石到官索志文多闕略事亦多變更意欲以餘
 力增證之匆卒未暇也茲奉 上臺督修縣志則日從
 惠之集諸紳衿錄所見聞將削牘焉何可自愧無文不
 一言以弁其端耶夫志者史之一家也昔人謂文章無
 關世道竟可不作而况石之地固交趾之域也其人推
 魯俗多貧薄或不雨暘愆時即東西移徙吏斯土者既不
 能家至戶說又不卒成一家言就正於搢紳先生俾以
 教於細民令其習同仇以固圉勤耕織以裕國敦仁讓
 以厲行是豈為民上者哉蓋民子弟也長吏父兄也所
 治之縣長吏之家也子雖不能以家事視民事而於民
 志之可昭法戒勸將來者未嘗不兢兢焉倘使石之民
 而聞子弟之遷善喜可知也辭雖不文亦庶乎不為無
 益之空言從此而往海不揚波山無伏莽鑄鼎象物
 以貢於 朝余又將執簡而續禹貢成周之書矣

韓鏐序曰宇內郡統於省而邑列其間星分碁布人情異尚也物產異宜也建設之由來流傳不墜各不相侔也是不可以無志然而詳略予奪廢興增損因乎時當乎理而後為疑為信皆可質乎人故志非難而纂修釐訂之實難余幼入江蘇稍長遊瀟湘雲夢間繼而歷益州南溪之勝必搜閱志籍即身不履其地目不覩其物而已知某邑之勝爾爾也今來枚石邑會聖天子覃敷文教合宇內之山川風土盡羅於志自省而郡而縣悉命修輯以備乙夜之觀故石邑亦有事於纂修釐訂焉前寅董其事而稿已成摺紳諸公問余序於觀釐訂疆域炳如也年表人物森然也文苑武備燦若也風俗祀典以迄乎食貨物產雜志井井有條也身未履其地目未覩其物而已知石邑之勝爾爾也獨是由前而考簪纓閥閱固多由後而觀登賢書捷珠宮者甚少余意欲設義學於邑之東西以興起教化家塾黨庠亦猶行古之道也無何下車纔數日何敢預人之志焉此余之所以歉然者也若夫詳略予奪廢興損益較之舊籍覺部署一新壁壘改色此諸君子之功德也余何敢與焉梁繼鳴序曰今天下幅員廣大梯山航海慕義而來王者駕軼乎萬古聖天子以車書行之大同採訪直省各州縣記載勒成一代之全書特下徵詔甚盛舉也夫書在一邑僅一邑事耳若其獻之天朝則問民疾苦之隱憂陳書納賈之微意以及省耕省斂朝覲述職之鉅典於是乎在使或敷陳未備攷核弗精每因忌諱致

生掛漏何以對揚天子之休命石有舊志前邑侯梁公修之李公復修之蔚然可觀第去今一十餘年其中時異勢殊不無損益在昔展界方新流離未集魚鹽之利待興絃歌之聲俟化論多感慨宜也茲則昇平既奏士敦詩書民興禮讓防制征徭無不酌量有經而猶或病於土滿室罄邦懸橫經掛履其故何歟幸際周侯借恂斯土韓侯泄任新政召杜相繼公餘搜求舊帙補輯新編凡山川人物官政祀典諸大綱細目固慎取材而於民生士習尤諳諳致意非徒以潤飾美文實體問民疾苦陳詩納賈省耕省斂朝覲述職之旨而著於是編也書成命余弁一言余以首蓀冷員日集諸生徒課文講業欣逢其盛正當表章頌揚以徵太平致治乃猶以石邑利害瀆陳懼滋罪咎然古人先憂後樂之懷何能自釋况天子以清問下民之心而採志邑侯奉上臺布天子之命督行以修志余亦何得不即石邑之要務以序石邑之志將藉手以獻之天子也哉石邑士民樂觀德化之成矣是為序

石城縣志五卷

重國朝孫繩祖

孫繩祖序曰皇上誕敷文教德洽海宇內外臣工靡不祇承求所以對揚休命余受事海疆罔敢隕越退食之暇閒閱邑志中多弗稱似未足以副同文之盛有志補輯深慚蚊負誠恐崇樸則易於野尚文則易於浮

覈實則易於刻博愛則易於濫惟此四易避之實難安
 得起左馬而操觚即第念食祿忠事難易惟其所存苟
 畏難而懷安其能免素殮之譏乎是以冰兢自矢集邑
 之士夫本以廓然而大公物來而順應訪故老稽舊編
 事必求信毋為穢史字必求正不為魯魚時或刪繁就
 簡要不失乎寬厚時或泛愛兼取亦不失乎謹嚴猶乎
 結繩而寓成周之治後進而存懷葛之風雖不敢云已
 至於斯亦嘗請事於斯蓋為古者今之鑑今者後之鑑
 毋使後之議今猶今之議古也茲由輿圖以迄襍記編
 目四十八彙為五卷敬付剞劂以俟采風者達之 聖
 簡編信乎欽明文思之光被四表也

石城縣志

國朝喻寶忠

喻寶忠序曰邑之有志述作沿自先代修明遵乎 聖
 訓理無不賅體無不備志山川材賦書之禹貢也志風
 俗政治詩之國風也志職官禮儀祭祀周官周禮之節
 文也筆削本乎春秋紀事屬辭法左氏司馬大哉美乎
 非通天地貫古今知禮樂之原識民物之變其孰能與
 於斯雖然天下自省而郡而縣皆有志安得名公大儒
 鴻裁鉅筆遍天下而為經緯史之志乎是故或因陋
 就簡或鋪陳勦雜然皆名曰志上之太史而不擇其陋
 其所謂泰山之高不辭土壤河海之大不擇細流攬圖
 書之全觀同文之盛小大不遺取其明備也吾石邑之

志在前代者不可稽國初邑合梁公之棟李公之礎先後
 修之康熙五十一年孫公繩祖又重修之其書有得有
 失而稽文考獻邑舍是則無徵距今又七十餘年矣夫
 日月之精華山川之靈異生人之才智功名日出而日
 新由前以觀歷歷可鏡由後以觀遙遙可卜而中間數
 十年之紛醜變化等之塵埃之飛逝水之流而不可溯
 是誰之過也予慨然久之庚子之秋乃與廣文黃君紹
 統暨子友王君鳳階披羅討論以次纂修變舊志體例
 區為綱目綱有一十五目三十有九凡七十餘年中之
 因革損益統同辨異有關利弊者更深切著明焉勸誠
 之意反覆見之越辛丑十月而脫稿王君曰是可為邑
 完書矣夫邑無名山大川足為天下奇觀也邑又無奇
 人豪傑崢嶸天壤如山斗之崇隆也安所得掀天揭地
 之著作闡奇表異輝映於詩書史冊也予曰不然聽絲
 竹之音者未嘗不樂黃鐘大呂也服褐布之衣者未嘗
 不樂錦繡文綺也鼓吹休明潤色樸陋吾將挾此一卷
 以就教於名
 公大儒也

黃紹統序曰高涼隸嶺嶠之西領州縣六而石邑為殿
 固所稱偏陬地也地雖偏土人民政事必有與立宰斯
 土者其所以慎封守撫蒼赤審張弛是果何道之施詎
 不各守爾典而能報政一方歟循是說也則布芳躅於
 當時昭遺規於來許匪志弗章諒矣惟是建縣以來歷
 唐至今千百年餘年間陵谷變遷人物隆替戶口登耗

風浴醴澆匪紀載則不傳即傳矣而魚魯混淆亦弗信非蒐羅稽覈勒成一書其奚以信今傳後上備輜軒之探也哉石邑有志由來已久已丑統以司訓來此索志循覽中多模糊即竊竊焉殘闕是慮稽厥纂修時日則出自前侯孫公距今業七十餘載矣故於公事謁邑大夫時每以補輯之說為請諸公均有志未遑將毋事之興廢有時抑亦待人而後行即迨乙未秋抄心筠喻公以名進士來宰是邑一切興革輯備諸善政次第舉行即既修志之役是任顧丁酉戊戌兩歲災稜見告公心力既瘁又卒卒弗暇年來歲稔人和乃起而珥筆焉時則有若簡亭王先生者公姻友也淹雅多才與之分校將浹期而後成書蓋其審慎謙讓若此統雖與參考自漸謏陋莫贊一詞而分門別類去偽存真刪繁就簡竊有力焉於戲石之先惟疏錯處大都樸野惻悞愚魯之習亦或不免我國家涵濡日深聲教所訖久已進於鄒魯嗣公蒞任文物丕變即楓甌茅麓鏗琅皆絃誦聲上之化下疾於風草廩其然乎此則統目擊其盛而志所未及載者竊願有以補之夫以公之經濟施於土地土不曠矣保此人民民不困矣振而政事政不窳矣而學問文章見於此志特一斑焉爾公今以循卓入地人民政事亦有卓卓可觀若是者顧不踴躍

縣志六卷

泰重修嘉慶己卯 國朝張大凱周國

張大凱序曰今皇上御極之二十有四年粵東大府纂修省志炳炳烺烺蔚成鉅典余於閏月之吉承乏石邑日奉採擇文行深自虞見聞淺陋不足以存十一於千百也退而徵諸舊乘蓋自康熙五十一年來缺無成書矣最後乃得喻君寶忠稿本修於乾隆四十一年從而考獻徵文裨殘補闕上應 列憲之勤求下備一方之事實較之散金碎玉一一自拾於芳烟蔓草中者其勞逸不迥異耶夫作大事必以其時石邑雖僻處一隅春臺而享太平者風教固無殊也况一闕之市不勝異意十步之內必有香草其所以整齊之振興之於焉鏡得失而大觀感式人心而維習俗亦復何限顧忍弗鳩集長任缺如久且并此剩本良朽蟬斷而愈無稽矣烏乎可學博王君暨邑中襄事諸君子有同志焉事以類從收亡集逸提綱振領刈楚芟蕪五閱月而告成蓋喻君為其難余適因其易又乘奉檄搜採得為而為之時也於是序而付諸剞劂氏若夫義例之密體裁之精綴輯之博而當謂斯志之成碌碌因人遂足著數十年之喟喟傳百餘里之恣恣則吾豈敢

周國泰序曰嘗考周禮大司徒以天下之圖周知地域廣輸之數而又有職方形方以辨人民土訓誦訓以掌圖志故其間或剛柔燥溼之不齊或衣服器械之各異俗尚之正變奢淫政治之盛衰得失莫不作為詩歌貢

之天子以成省方觀民之典而道德之一風俗之同
可按籍以稽此省郡州縣之有志所由防也戊寅歲予
攝篆封川適制府阮公因公過境諳然以舉修縣志是
命予承乏下竭蹶不遑爰因舊志蒐羅補輯不一稔而
事告藏呈諸上臺特加獎賞今冬由封抵石見其山
川景物低徊者久之下車之初即詢及縣志都人士言
前令篠原張公纂修有成將付剞劂及觀其書舉凡所
載城郭都鄙山林川澤田舍廬井以及名人古蹟里居
姓氏一一參以余歷任所修縣志之見聞務求折衷盡
善而後已非敢自矜創獲也然吾抑又聞焉者沃土之
民不材瘠土之民嚮義石城蕞爾邑其土瘠其民貧其
山蜿壇而鬱積意必有賢人君子出於其間而其時之
民又能變化之愧厲之宅爾宅畋爾田無從匪彝無即
陷淫於以登和親康樂之書而備太史軒輶之採是則
守此土者之所厚幸也予日望之

鄒先生輯略

明謝璿撰張志

王思賢序曰立齋先生以言事謫石城而尋卒於貶所
今殆且百年其祠於石城在世廟壬子之歲而邑令謝
君復纂其遺事而鉞梓之刻既竣徵余言以弁諸首余
固不嫻於詞也即嫻於詞烏能為先生增毫末哉而謝
君鉞梓之意則有不容無述者蓋是編之成匪徒備遺
志志景慕己也穆乎有世風之思焉其他遠者無論余

過端州見郡人所以崇禮包待制者千載如一日而黃
雲紫水之間白沙之故里在焉過之未有不悚然敬者
也先生正直之氣同符待制而闡明理學適與白沙先
生同時若其間關困阨始終不渝則又二賢之所無者
苟登先生之堂讀先生之遺事而漠然不知所以興起
非夫也故觀先生馬路口占之詩而綴章句溺青紫者
陋矣觀先生分別君子小人之疏而依阿澗忍者鄙矣
觀先生白頭青史之句而徃日前忽遠大者委瑣矣觀
先生毅然就道之勇而恍於禍福利害之際者縮頸矣
觀先生窮約終身之操而頑鈍嗜利者汗顏矣且先生
以十有六之年而抗疏一朝流譽千古即蒙斥逐之辜
有餘榮矣假令緘默因循與儔伍等豈獨嶺海之外能
速斃賢豪哉而先生亦與草木同腐朽矣又安能聲施
後世廟食無窮耶以斯知先生之足以風也是歲威遠
王公守茲土觀風之暇首謁先生之祠而俎豆之又惟
所以贊述之其維植風教之思益可想也余辱謝君之
命爰發其鉞梓之意而願與共勸焉若
先生高風勁節有史氏在余何用於言

治石紀略

國朝侯瑜撰張志

子部

靜裏問答一卷

明文成奇撰舊志列傳

南江問答一卷

國朝鄒士操撰府志列傳

講學篇一卷

國朝鄒士操撰採訪冊

性命天道篇二卷

國朝鄒士操撰採訪冊

氣運篇四卷

國朝鄒士操撰採訪冊

小大德篇五卷

國朝鄒士操撰採訪冊

倫常楷模十卷

國朝江應元撰採訪冊

鍾氏家訓

國朝鍾錫美等輯孫繩祖代撰張志

知縣孫繩祖序曰從來世家望族羣聚而州處莫不有
家約以範圍一族之人心時有常祭月有常會宣家約
而稽淑慝以故子弟皆率循于祖宗之教而犯義犯刑
者鮮焉予渡嶺以來訪諸上廣之巨室風猶古也迨蒞
石祇覺奔競凌澆之氣觸處襲人意濱海之風殊歟抑
教化之弗彰也及襄帷問俗則見山陬水涯聚族而居
者或比間二三戶或一戶村十數烟是雖族大人繁不
能時集散處之子姓以申先世之章程則率其悍獷猛
鷲之性蕩檢踰閑固其所耳純十都鍾姓糧近三百石
人至數百丁蓋石邑殷富之族也考其室廬亦皆散居

而分處乃能獨耻習俗之異而斤斤整飭家規之是圖
編列條款正而明嚴而要切而不浮約而能該居然成
高曾之矩矱也往者邑宰白公序之辛己歲中丞彭公
經過石邑陳而觀焉計得一字之褒以為奔禮遵守詎
幾務惟殷沈置弗返錫美等戚戚久之今另錄成書特
乞序請印于予予閱竟油然而喜詔而前曰有是哉爾
族之能古處是尚矩矱自閑也慎斯以往君子不犯義
小人亦不犯刑爾爾族世世之幸將見感發興起不一
其族所謂觀于鄉而知王道之易易者不尤為合之幸
乎苟有文無質務名鮮寶而作奸犯科猶不免勞擾我
公堂令將執三尺先糾所長不惟
爾祖宗之辱也爾族尚慎旃哉

廖氏家訓

上同

知縣孫繩祖序曰世之侈族盛者不日紆青拖紫則曰
丁眾糧多斯二者固云盛矣苟聚族無禮義之教環庭
鮮仁讓之風則亦獼猴而衣冠麋鹿相類羣以是云盛
吾不知其可也石邑僻在五嶺之西陲高第巍科近時
罕觀惟土著之舊族人至數百丁糧至數百石者不一
其姓廿年以前擾於兵戈徭役以致分崩離析入斯境
者如升虛邑十數年來哀鴻集而盈甯有象矣第先民
之著為家訓者類歸兵燹無存而後生佻健罔知率由
於是為放僻邪侈靡所不至者自余蒞任勤宣上諭
又著為淺說刊布以使家喻戶曉莫不興起其好善惡

惡之心零星戶口互相勸勉族大者各立家約以嚴束其子弟亦一時之休也純十都鍾姓因家規散失另纂一條並給之序閣今數歲恪守弗違鮮有蕩檢踰閑擾我公庭余竊喜其族之能率教也茲豐三上廖姓亦丁糧繁盛之族也慨然有感于鍾姓之振振創修祠宇積烝嘗而合子姓慮家教之不飭也乃從鍾姓錄子所撰以爲家規亦乞序以垂訓不朽予嘉其善爲取法乃以詔鍾氏諸長之言復詔廖氏之長曰毋徒有文而無質務名而鮮實爾父兄誠循是入條以恒課其子弟子弟誠率教以日進于禮義仁讓之習將見族望日隆有不必青紫而榮顯者矣况青紫爲世德之發祥安知爾祖宗之靈與夫山川之靈不惟德是輔他日之青紫不與此日之丁糧共盛也哉蓋其勗諸

集部

汶塘詩集一卷

國朝黎民鐸撰舊志列傳

陳曠序曰古有詩自斷竹始嗣是歌吟時見史冊間至三百篇稱極備要未有不出於中情慷慨而不能自己也故昔人論詩獨以離騷繼三百篇之後所以取之者意必有在而凡後之人所爲能有真詩者亦必有在矣然以今日而言詩胸中磊塊非百斛酒可澆旣不能不託於詩而又不易託之於詩真詩於是乎見真詩於是

乎不少概見苟未免有情誰能遣此唾壺口想當缺盡耳憶余自丙戌吾師黃文明先生完節後同堂三十餘友咸罷業自棄置唯詩歌一道未能全銷聲影猶刻韻社竹窠井山諸集遺於世後各遊四方余亦策杖來潮陽訪吾師舊交傳繇庚先生於黃竹山中巖雲澗草之際提臂談心以詠歌當痛哭一時流連悲感不自知所爲何詩而深慨慕海內之真詩若思美人兮不見而願懷之好音也近流寓梅水西坡忽石城覺于黎先生寄汶塘集稿相示披卷靜覽懼然驚嘆曰嗟乎是余二十年来所欲求而不易得者乃今日見之今海內所爲詩歌豈盡負吾懷者哉蓋先生之詩非有意爲詩也情有不能自己者遇景賦物寄意遙遠雖江籬晦蕙無非山榛墜苔之思惟淵明田居諸詠子美秋興諸章况况差堪比似若徒以漢魏之雄壯擬先生之美秋興諸章况况差温厚擬先生之近體以太白昌齡之清妙擬先生之絕句以易安少游之婉而多風擬先生之長短調是知先生之詩也今先生亦以汶塘集行於世不盡藏其聲影矣余願海內讀先生詩者知先生真詩之所在則先生之詩達於海內者豈徒詩也哉余固不知詩者先生生命余敘余不敢辭援筆敘之彙就

汶塘填詞一卷

國朝黎民鐸撰採訪冊

藝文

集部

自序曰詩三變而及辭大雅幾乎亡矣迺說者名曰詩
餘夫詩何以有餘也人情一感隨物曲折而吐其緒故
三百篇後詩亡而餘騷賦騷賦變而餘樂府樂府流而
餘辭曲詩之亡而不亡者如是余性暗於音律焉知譜
調每於風雨晦明之際誦岳武穆之滿江紅與文丞相
枯木寒鴉之句悲壯淒其不覺忽移我情始知辭於文
體各備周美成柳耆卿取媚於花間樽前而已知小秦
之匪獨周美成柳耆卿取媚於花間樽前而已知小秦
王楊柳枝清平調等本唐人絕句皆可歌也迺韻則
又謂之阿那曲夫情之所至用音不必太拘即李郢寄
胡杭二從事詩末云知入笙歌阿那朋劉禹錫夔州竹
枝辭後云與入紇那披綠羅李則變梵唄為豔歌劉則
翻南調為北曲是音隨方轉也至於玉樓春則亦七言
入句而以木蘭花歌之則大石調其所入之宮調不同
金針暗渡寄虛聲於喁喁嗚嗚余曷知其然哉依其調
填其詞聊以自娛中多謬戾不暇自檢拈出問世已知
為篇家者所噴飯然不如是不足以自抒其性
自見其言也故曰獻笑不及排此之謂詩之餘

古文法槩六卷

國朝鄒士操撰府志列傳

詩文六集

國朝高式震撰張志列傳

四書文集一卷

國朝林遇春撰府志列傳

麗句偷雲集八卷

國朝鄒宇馨輯採訪冊

自序曰語云狐集腋而為裘蜂釀花而成蜜若是乎用
物宏者取精多也物猶如此詩亦宜然夫五言始於蘇
李七字助於柏梁自漢唐以迄今詩人所作浩如淵海
而求其如楓落吳江冷為崔信明平生得意之句亦卒
難多觀余自弱冠學為詩見詩中有佳句可喜者輒手
自抄錄投之篋笥歷年既久得句愈多丙申夏日偶取
笥中所藏閱之輒有會心不忍釋手爰聚古今詩集及
說詩諸書詳加採摭必其言之有味令人讀之足以賞
心悅目者方為編入共得詩約千聯彙成一集釐為八
卷取沈彬先生麗偷雲外十洲春之意顏之曰麗句偷
雲以為案頭清玩無事時取而誦之有吹竹彈絲敲金
擊石之妙學者誠優游而饜飫焉未始不可升公幹之
堂而入徐思之室也第載籍未博蒐羅未廣固陋之
譏殆所不免亦庶乎嘗鼎一臠見驥一毛之意云爾

漁軒遺集

國朝戴尚禮撰採訪冊

沙園稿一卷

國朝龐大猷撰採訪冊

古今約選五卷

國朝文在中編採訪冊

自序曰吾人生古人後欲盡其書而讀之則曰力不足
况天之生人敏者少而鈍者多甘於面牆無論矣即兀

兀窮年試問生平所得力咸茫無以應非其泛涉而不
 精專故耶故所貴於誦習古人者非第沿其調度襲其
 字句已也必將會心於理趣神味之間而有以達其識
 而疏其氣然後立言有本而可以不朽抑又有難焉者
 苟思之未深讀之未熟即調度字句亦無從領取故人
 病守約者之固而我懼廣者之荒也今是選古今詩
 文約五卷止就平日稍究心者摘而錄之俾兒輩更迭
 服焉其難解識者則為之加一註釋易摹倣者為之標
 一評語雖指畫多竊他人而務求的當不敢以支離塗
 飾為能乃余區區之心也蓋一人之身自啟蒙至校試
 不過十數年間四書必得其指歸五經必加之詳審或
 且涉獵羣書以為淹博之助則既無留晷矣若又使服
 習者紛如亂絲多見其無成而已余初學時深中此病
 今訓詁多年始悟朱子讀書不可貪多而射者有五斗
 力且用四斗弓之說故亟證是選使之範圍不過實使
 之曲成不遺也昔蘇文忠公謂世之言道者或即其所
 見而名之或莫之見而意之皆求道之過余誠不免即
 所見而名之謂已庶反覆乎此而不致有莫見而意之
 失則余所刻刻自勵而願
 及門交相勸之意也夫

誠齋遺稿四卷

子重光編採訪冊

重光跋曰先君生平著作頗富第其稿隨作隨失不自
 收拾近年以來已去十之二三古人云讀父書而思手

澤重光愧不能讀父書而每緝閱舊篋偶得一紙未嘗
 不悚然如覩音容也因念手澤尚新不及早編輯倘遲
 之又久化為烏有罪奚容道爰與先君及門諸友衰錄
 成帙分為四卷更有散佚於他處者俟後再編為續集

惜字軒唱和集

國朝陳居邦

知縣楊元藻序曰濂江為高涼小邑素稱易治士知詩
 書民敦樸茂宰是邑者可以臥理焉迺邇年以來俗不
 古若作吏者案牘勞形催科乏策猝猝無須與之閒遑
 云臥理余於癸亥仲春權篆茲邑訪求治術欲挽頽風
 竊思十室之邑必有忠信 聖化涵濡窮鄉僻壤無不
 周遍濂雖小邑豈無特立不羣之士伏處草茅敬誦訓
 典畏聖人之言服先王之教者乃匆匆數月旋即卸事
 未之見也今愛古黃君持友人張素六惜字詩一卷乞
 余作惜字軒記張生為濂江人其詩乃向日與同人建
 惜字庫於馬鞍山一時倡和哀然成帙給諫陳觀樓先
 生為撰惜字庫碑文弁於其端茲又得城中寬閑之地
 建惜字軒一所上奉 文昌帝君中安焚字之爐每歲
 重九則將爐中遺灰瘞而藏之馬鞍山之惜字庫嗚呼
 張生等知所惜可謂知所畏矣論語曰君子有三畏以
 畏聖言與天命大人并稱蓋聖人之言垂訓立教字字
 圭臬知其可畏則其戒謹恐懼無不循理而守法焉彼
 小人者不能敬聖尊賢知所當畏則其狎尊位而不知
 守法違天命而不知循理也固宜按字典訓言有以一

句為一言者有以一字為一言者要之聖人之言即聖人之字所著張生等惜聖人之字其畏聖人之言可知也余雖未得見張生等然竊幸濂江有斯士足以扶世翼教而又有合志同方者若而人共襄斯舉將見四方人士聞風景慕皆能於聖人之言起敬起畏是訓是行吾烏知乎今之不如古若也吾喜張生等之首倡斯舉有關於風教也于是乎記

環溪書屋詩草三卷

國朝江應元撰採訪冊

宋七家制義尋源集

國朝陳六徵輯採訪冊

自序曰制義之興始於半山半山之文其體有二或謹嚴峭勁附題詮釋或震蕩排奐獨舒已見一則時文之祖也一則古文之遺也眉山三蘇皆有四書傳文而次公獨富其意醇其理密經義與半山對峙雖趨向之殊不嫌著作之合也楊誠齋志節文章獨高千古單詞隻字傳為世寶其制義雖不多而秦漢雄勁魏晉藻麗合或鉅觀後人鮮及之者象山之學密澄心體粗視學問與考亭相抵牾梧及觀鵝湖講論辨明義利聞者泣下考亭以為深中痼疾而制義清空辨析如其所學是可傳也陳君舉當光宗失紀之朝以儒生爭之雖不盡見用而義理倫常賴以不墜其工於文章制義所傳最夥以見先生所爭不負其學而有明以來壬午甲申之忠義

四瑞三案之氣節削藩監國之權變大禮國本之議論皆原本經術而亦君舉諸公有以倡之也制義所係顧不重耶六安汪先生文而且武忠而且智禦元二策雖伯顏猶為心折而况舉朝忠義之儔乎傳文數首皆感慨時事以立言足與史傳並垂也文山為文率皆忠義之言其正氣歌炳天壤薄日月村童宿腐都知嗜之今經義是二是一卓然成家真與不真可勿論也何忍疑為贗作而棄之君子於古人一器一物猶加愛惜况傳人之有傳文乎數先生為有宋人物亦文章鼻祖取七家文都為一集竊俎豆之並以質夫世之食水知源者

梧桐詩集

國朝羅秀鳳撰採訪冊

試帖箋註二卷

國朝揭行源輯採訪冊

四友軒詩集二卷

國朝羅士魁撰採訪冊

附錄

立齋遺文

明鄒智撰舊志

上諭淺說

國朝孫繩祖撰張志

嶺南存彙

國朝王德茂撰採訪冊

廉江餞別詩草一卷

國朝伊紹鑑編採訪冊

謹案鄒公智孫公繩祖王公德茂伊公紹鑑四書乃經宦石城之作不能編伍本邑諸人故附錄卷末

石城縣志卷之九

江家桂分纂

紀述志

金石

以時代先後序列

宋

蘇文忠公寫佛壽像並題字

採訪冊

紹聖二年四月佛壽日蘇軾寫

行書在像右未刻圖章東坡居士四字

右刻石為豐一都竹坡山莊所藏案漢武梁祠堂畫像紀金石者均著錄然畫像縮本頗難精妙故仍闕焉

明

創立石城碑記

張志

蘇洲撰文正統壬戌年六月勒石

案碑已佚文見城池

城隍廟鐵鐘款採訪冊

高州府化州石城縣典史張昂卽任以來賴庇 城隍神佑廟宇傾頽發心重建於天順癸未年季春吉日蓋造已完欲鑄華鐘獨力難成宛驛丞陶霖宗募告諸君請施餘俸隨捨口同成口造神化昭明謹疏 把總雷州府地方惠州衛指揮使馬政知縣歐琳典史張昂教諭鍾奎訓導程甯千戶高鵬楊綱妻趙氏百戶馬經高能大使口口進副使傅榮大使甘宗賢巡檢龍彰驛丞劉興陶霖宗羅縉總旗趙庸鄒福廣縣吏藍清林福黃滿倫智軍吏竇本鄭景智高瑜陳敬軍民黃彥賜李鵬天順七年八月二十七日立

右鐘在城隍廟

文廟鐵鐘款同上

提調官高州府知府曹謙同知王昊推官劉忠訓導陳泮銘曰紅爐點鐵哲匠成形扣之小則小應扣之大則大鳴巖晨昏之口口示升降之法程爲賁鼓之攸配集眾音之大成闡斯文之名教揚千載之休聲我來視學謹勒斯銘

大明宏治元年十月吉日

案鐘懸大成殿右款文鐵字俗省

鄒公祠碑記張志

太僕寺少卿李邦直撰文嘉靖三十年建祠立石

案祠今不存碑亦佚文見古蹟

平倭亭碑記

南京刑部四川司郎中莫天賦撰

案舊志載亭在東門內五步明隆慶六年士民為嶺西道李材立後亭圯移碑於郭祠今廢文見古蹟

重修鄒公祠碑記

太僕寺卿何彥撰文

案舊志載萬曆五年鐫石今廢文見古蹟

謝侯遺愛碑

案舊志載在縣大門左萬曆二十三年士民為知縣謝璿立

項侯遺愛碑

案舊志云碑在縣大門右萬曆二十九年士民為知

縣項汝廉立

建鎮龍寺碑記

石城縣知縣凌位撰文萬曆三十四年立石

案文載古蹟茲不贅錄

鄭師垂芳碑

鄭老師振鐸六載其功德炳炳琅琅在人眉睫茲以榮擢新安去諸生僉謀立石以志不朽而或者曰文因人重必藉搢紳始足揄揚乃又有應聲起者曰若等獨不見月旦有評閭巷有謠乎老師示若等以心若等業已心醉即因事識心因心紀石尤見本色語耳况老師自足重奚必借人言以重耶於是相與頌德紀功摘其尤者以壽諸石夫世之多談師職者見其才氣凌霄雄篇

倚馬輒褒然舉最不知所以樹望士林而得弟子之戀戀者則在心也老師以明經預薦分席石庠其存心雅尚渾厚獨秉仁慈坦易寬平儼然爲士師表以故穎異者拔之椎魯者文之貧素者澤之肫肫誨愛日在型範此老師勵人盛心也新奇之說易於煽世老師學旣端矣悟旣徹矣每進諸生以緇經闡義惟依教紫陽何嘗有立異之心耶私囊橐者必籌自潤而一切脰脯之瑣置若弗計則其不淄之心也文廟就圯項凌兩父母一支筦庫一捐已俸而舊制卑卑欲起而新之猶然弗給復捐金三十構物庀材殫心揆度增其址大其居繚以周垣翼然傑構成焉至於神龕祭器彝堂合用之物又不愆而創修之老師殆心存報本者矣然具是心者仁

人也仁人不易生由奕世戴德篤生老師及老師之身光宗耀里篤生賢嗣語曰孔氏之林無欹枝世德之門仁義存如長君別駕廉郡惠政磊磊今晉秩朱崖化行海外次君翩翩鳳毛賢書高薦皆老師仁心所蘊崇福善之左券矣天於仁人有厚報諸生日在化雨中獨不繫心者非夫也夫師弟恩義相與老師弟子諸生諸生無不父兄老師也者父兄愛弟子未嘗不至弟子離父兄無有弗思也者斯舉也老師行其所固然而著明動變之妙不知其所以諸生盡其所當然而懽忻鼓舞之狀亦不知其所出蓋一心相契兩無所爲也已老師諱煒字文明號可傳滇之永昌人由歲薦授吾邑司訓云萬曆三十四年龍德涵撰文

案張志云碑在儒學大門前明萬曆三十四年立今
圯文依舊志錄之

佾侯功德碑

吉水縣知縣溫臯謨撰

自如佾侯合石城三載布澤宣仁口碑藉藉邑薦紳士
民懽呼加額曰於都哉侯善政也興利除害靡不殫力
敢以培堪輿之說進石爲雷廉瓊咽喉通往來者悉由
城南郊以外輒卑坎阻洳且中道直射形家言弗利久
議更於西竟未之行願侯注念焉西河水洩業建鎮龍
寺文昌閣以關鍵矣而橋爲襟帶規制旣卑卑猶乏曲
折遶護之勢願侯更而大之侯毅然曰橋梁道路王政
之一若而議也可旁舍而郵視乎遂乃相原陞因便宜
更南路由西鎮彝門以達地之污萊者二百六十丈募

工築土而路疏溝而梁又於西河岸壘巨石爲址深厚
各二丈許採美材可堅久者醴水爲三道橋而檉桷碧
瓦其上左右翼以扶欄岸西聳建高亭顏曰文昌自橋
而南凡三折迺會通衢是舉也糜金百七十兩闔邑助
者僅四十金餘悉侯捐祿成之紀其事始於乙卯春閏
丙辰夏而竣工焉長橋龍奮周道蛇紆匪直主客遊咏
探寶林之盛輿馬輻輳壯文閣之雄浸假而文運培風
氣厚石之福地駸駸埒名區矣闔邑德侯鴻伐共謀以
志不朽卽於岸之東建亭豎碑俾過續於茲者知頌德
而景仰焉因以范學博余冰清也轉徵言於余余敬書
侯之功勒之貞珉非爲他日甘棠地乎侯以濟川鉅才
將漸開天下蕩平之路使石人士難久恂借維繫遐思

爾侯諱夢騮別號自如尊翁舉孝廉叔翰林多史滇臨
世家

萬曆丙辰年秋月吉日

右刻在西關外今圯

重修蘇鄒二公合祠碑記俱同上

郡別駕聶應井撰文萬曆五十年勒石

案文見古蹟

迴龍寺鐵鐘款採訪

廣州府南海縣信士容繼宗麥維耕何少諒李林芳先
年前來高州府化州石城縣寓鋪生理今見得新創立
西華山鎮龍寺觀音殿宇有宗耕諒芳四名等合議誠
心各捨資財共鑄洪鐘一口重伍百餘斤奉入鎮龍寺

字永遠供儀專祈各信士合家昌盛子媳榮華求謀遂
意萬事大吉

萬曆口十年十月吉日立

右鐘在迴龍寺案寺原額題鎮龍成豐年重建改今

名

葉尉去思碑張志

案舊志云在東關真武廟前崇禎戊寅年通邑為典
史葉啟元立

國朝

鼎建石城學宮碑記篆額記

康熙歲在甲寅五月穀旦

賜進士第奉政大夫提督廣東通省學政按察司使僉

事加一級前戶部廣東清吏司郎中督理各省漕儲通
州坐糧廳兵部武選司員外職方司督捕主事己酉陝
西典試副主考斗山遲煊題上同

右碑嵌明倫堂東壁文見學校

關帝廟鐵鐘款採訪冊

信士張汪虞謹發誠心鑄造洪鐘一口重二百餘斤敬
奉 關聖帝君殿前永遠供儀福有攸歸皆

康熙十年歲次辛酉仲秋吉旦

右鐘在城內關帝廟

文昌廟鐵鐘款採訪冊

提調官高州府化州石城縣正堂劉文煥石城縣儒學
梁繼鳴蔡叔度督理舉人曹俊貢生陳梓生員陳宏猷

官員陞授 鄉紳衿拔貢生黃名世李色奇蕭作洙陳
浩潘鑑楊懋新江宗堯生員潘金陳煥訓潘銓盧殿宰
黃鈺陳層霄林遇春曹佳士子聯登銘曰 帝君赫奕
舊址鍾英口邑賢侯人事復興輪奐廟貌鐘簷成形靜
則凝重動則聲鳴壯茲土之雅望進斯文之美名子在
督理勒銘永旌皆

康熙丁丑年仲秋吉旦鑄 匠人吳殿高

右鐘在城內文昌廟

邑侯圓濱白公去思碑張志今廢

侯名玠陝西延安府青澗縣人以庚戌進士出宰石邑
石殘於寇荒民窮財殫侯憫之樽節愛養事事本於真
誠比膺卓異陞雲南晉甯知州去之日士民攀留無計

乃建祠勒石以志去思夫官以遷秩去誰則無碑而特祠之建固未易易侯何以得此於石人哉則惟侯之濬德於石為特最也 石城縣訓導蔡叔度撰

魏太守遺愛碑

在銅鼓筵蟠龍巷門首康熙間邑紳士陳梓等全立採訪冊

案是碑不載年次德政考黃府志康熙三十四年知府魏男行均役法六邑賴之則碑當為此而立也

葉令遺愛碑

張

案張志云在東關外東聖禪林側雍正六年通邑士民為知縣葉思華立

黃公墓誌

銘同

黃公諱昱福建莆田縣東里坊人由舉人於元天曆元年戊辰歲來宰石城及致仕遂家於石至至正十六年

卒譜諡廉毅偕其配姜氏李氏合葬於縣治東南二十里土名木茂林志載國子監學錄黃凱珊山西道御史黃充舉人黃廕黃信貢生黃鐘黃亨黃奇紅皆其後也今生員黃元程黃能飛黃奇緝黃色正黃居正黃著中黃廷錫黃世英偕其族人黃堡黃如瑞等以其狀來請曰先世木茂林一阡闕今四百餘年矣雖馬鬣依然展掃弗替而世久年深墓碑剝蝕恐終湮沒林莽爰於康熙四十九年集先人苗裔派分於吳川茂名博白諸邑者併力重修顧墓新而無志猶弗新也敢乞一言以垂不朽予覽狀已穆然而思黃公當日致治必有深仁厚德以及石人故其子孫蕃衍綿延彌久彌昌與石人相繫於無窮也及觀紀載斤斤遷治一節餘皆無稽為之

廢然三嘆而致感當日載筆者之膠於私也子生百世後踵公創造之堂水原本本疇則無心而能忽然已乎是公木茂林一阡固與石城之山川同其悠久官於斯長於斯者靡不竭其呵護之力奚藉子言以誌然子景公遺跡重公賢裔孝思之請固不能已於言也乃執筆敬誌而繫之銘銘曰緊維黃公荒天一官桐鄉在念存歿相歡佳城鬱鬱集鳳棲鸞施於孫子族大且蕃此木茂林是須彌山萬古千秋天地同觀

石城縣知縣孫繩祖撰

右刻在木茂林案誌銘古埋壙中非立於墓上也考史書所載賈吳辨識女郎及承天辨識甄邯諸事皆從開冢而見又司馬溫公誌呂誨云誨將死囑爲其

埋文誌張仲倩云撰次所聞納諸壙此誌銘藏於墓中之明證故所作必在葬前溫公銘其兄周卿及昭遠皆云以葬日近不暇請於他人而自爲銘以葬時所用也今舊令黃公葬後四百餘年孫邑侯乃爲之誌銘殊失古人規制矣謹辨及之

西嶽菴鐵鐘款

採訪冊

乾隆三十七年壬辰歲季冬吉旦

右鐘在城內西嶽菴

舊令黃公墓表

正書同上

縣治之東南二十里許至木茂林有林鬱然有土鬼然是爲前元石城令黃諱昱公之墓公原籍閩之莆田人由孝廉筮仕茲邑致仕後遂家於石歿而偕其配姜氏

李氏兩恭人合葬於斯其子姓寢昌寢熾分隸於粵西瓊南吳川者皆以公爲鼻祖迄今歷數百年鼎屢遷而公之封樹不改使子孫得長守墓田歲時展祭則公當日之愷澤及人於以保世滋大者愈足令人景仰不置云遡公之宰石也一切興利除弊諸政其軼事時見於他說至遷治一事當時不無格於安土重遷之說而公則陟嶽降原披荆斬棘度其美利而挈民以居至今遂成樂土嗚呼非公心乎愛民而樂肩是艱鉅也歟昔班孟堅傳循吏合西漢二百餘年僅得六人探其本則曰以經術飭吏事然則公所本可知已公所阡之地多是羅姓環居往往藉村場以侵佔墓道久已構成案牘余初蒞斯土其孫文學廷振等挾情來白余爲按公之品

階定其界址因立讞使樹豐碑俾松楸藉以無恙毋亦以遺愛在人直道固當如是况公於余爲前事之師者哉前令孫君繩祖業誌其墓今賢裔復新厥封樹丐言於余是宜述公事略表而出之至於世系子姓具詳於誌銘庶幾可互見云

特調惠州府歸善縣知縣文林郎前知高州府石城縣事加三級紀錄五次林虎榜頓首拜撰

特授高州府石城縣訓導以教諭銜管訓導事仍序選知縣已卯科舉人族孫紹統頓首拜書

乾隆三十七年歲次壬辰季冬望六日吉旦

石刻在木蕨林案此表內有使樹豐碑句考之禮喪大記君葬四綽二碑大夫葬二紼二碑凡封窆用綽

去碑注樹碑於壙前以紼繞之用輓轡下棺也又唐封演聞見記豐碑本天子諸侯下棺之柱司馬溫公謂古人勲德多勒銘鼎鐘藏之宗廟其葬則有豐碑以下棺耳秦漢以來始作文褒讚功德刻之於石亦謂之碑是豐碑本懸窆之物與刻石之碑無涉也林侯所云其未考耶

文昌廟鐵鐘款

採訪册

石城縣閩邑信生虔具洪鐘一口敬奉 奎斗星君案前永遠敬奉

大清乾隆四十七年歲次壬寅季冬吉旦立

右鐘在城內文昌廟

筋塘大村康公廟銅鼓

同上

乾隆末年鄉人浚井掘地數尺獲銅鼓移置廟中以今尺度之徑二尺高一尺五寸作腰鼓形擊之鏗然

案銅鼓均無款識而阮通志已與伏波銅柱咸紀錄茲不知何朝物謹以所得之年代編著考屈大均廣東新語云粵處處有銅鼓多從掘地而得其狀各異皆伏波所瘞以鎮蠻者此豈其類歟

松明書院碑記

行書張志

邑西關外松明書院為東坡先生讀書舊址嗣葺室以成義學門臨孔道冠蓋通焉嗜古者就瞻遺像慨慕前徽輒低徊不能去顧蘇護塵封曠焉若廢誰之咎歟僕以仲春權篆斯邑與搢紳士謀復是業多士奮然興起先是學租八十三石縣官為之經理邑之顏公祠海租

九十石多士議歸入學租以助經費於是計所入以權所出酌餽脩脯薄給膏火立規樹碣以垂永久雖然租僅百數十石耳僕於斯僅數閱月耳用存舉而不廢之義聊復舊規未聞潤色擴而充之月異歲不同是所望於後之蒞斯土者矣

嘉慶六年八月朔文林郎署石城縣事山陰李雲謹撰并書

署教諭潘逢年訓導李瑩書典史裘嘉模監刻
歲貢生全恕李在公廩膳生李冠林蕭楷

右碑嵌松明書院大門左

松明書院碑記 正書 同上

黨庠術序古之善教也我 國家文教覃敷大都小邑

皆設義學以儲育人材亦猶行古之道歟嘗聞昌黎來粵延進士趙德為師以訓迪邦人士咸爭自濯磨稱為海濱鄒魯風有自來矣歲癸亥余攝乏斯土見治西有松明書院崇祀坡公詩書絃誦心竊躓之憶宋哲宗時命蘇學士自儋耳返廉其教化之區必多盛德不誼者邑乘稍漫漶不可考惟石地與廉接壤寰宇記云松明書院為文忠公講學處其在茲乎舊址在郭外百餘里康熙年間邑令孫公徙附郭西置膏房租一百三十六石嗣後陸續加增多士從遊而掇巍科者相接踵無如日久荒廢茂草生焉至嘉慶六年縣宰李公慨議修復撥出義學租及顏公祠租共一百八十餘石以資樂育每年考課而甄別之甚盛事也予觀夫石城形勝面海

環山周圍四百餘里雙澗繞於前三台擁於後巒嶂倚其左崎峽鎮其右必有奇偉之士蔚為國華者生於其間惟脩餽微薄何以延師而鼓勵之夫昌黎起衰式靡為一代大儒乃延趙進士以為教母亦文學政事有不暇相兼者歟予於甲子春蒞考生童之日議捐銀一百兩將官租撥出紳士僉請酌定章程申詳立案并記之以垂永久延者宿而增其脩課俊髦而加其餽庶於蘇公遺教或有嗣音即抑額其書院曰松明或謂因其以松火燭書史也厥後土人曰松之凝結處為松明蓋本諸此或又謂松膏可以繼晷勵辛勤也義皆有取然長公文與行俱卓越史乘安知其非欲養後凋之質成棟梁之器以聲明文物者為邦國光哉爰濡毫而為之

記

嘉慶九年歲次甲子午月朔日知石城縣事鮑春藻撰并書

右刻在松明書院大門右碑陰文不具錄

重修文廟碑記

正書 採訪冊

賜進士出身授文林郎廣東省高州府石城縣知縣前韶州府曲江縣知縣乙酉科同考試官加三級紀錄四次李憬薰沐手撰

道光丙戌年三月立石

右刻在文廟文見學校

創建同文書院序

正書 同上

署石城縣事加二級紀大功二次秦雍敬承諭題

道光七年歲次丁亥十一月上澣立

新建同文書院記 正書

授文林郎前武英殿檢校知石城縣事光山王德茂撰

右二碑俱嵌同文書院東壁文見學校

御史黃公路碑 正書

黃公 諱充字 仁則 號 象先乃上縣人也承藉乃祖知縣

黃昱公乃父國子監學錄凱珊公之餘澤筮仕登朝為山西道御史予觀府縣誌傳贊所載謂公當齟齬時便嶄然頭角嘗讀史至朱雲折檻史丹伏蒲諸事不覺骯髒久之後日居官蒞治肅憲度糾官邪鋤豪強恤民隱當時稱為名御史所以明德之後必有達人誌載舉人黃蔭知府黃信揚州照磨黃鐘拔貢黃奇紅貢生黃家

世英廷振文焯等皆其後裔也公葬於上縣之後背嶺俗稱為蟻子封接縣龍之真脈鍾山水之精英四神朝拜八將扶持恢恢乎歐陽之大地也浩浩乎楊曾之勝撰也自永樂年遷葬至今已數百年矣因歷世久遠再為重修公之裔孫黃學傳等來請於余託作路碑文一首予乃喟然興嘆曰御史黃公之碩德懿行誌載煌煌如此予復何能贊一辭哉第仰公之遺跡並念公裔孫孝思之請固不能已於言也爰聊抒所見執筆而為之歌曰繫維黃公御史名官忠貞介節照耀朝端佳城鬱鬱集鳳棲鸞福庇孫子碩大且蕃堂堂此墓輝映高山千秋萬載天地同觀

癸酉科拔貢特授石城縣教諭韓煥彝謹誌

道光十三年歲次癸巳孟夏朔九日建立

右刻在上縣村右

重修松明書院碑記 正書

道光十三年癸巳四月

賜進士出身知石城縣事林星章謹撰

右刻在松明書院文見學校

重修學宮碑記 正書

道光己酉二月署石城縣事程志篋撰

右刻在文廟文見學校

三合墟康車廟銅鼓

道光閒鄉民掘嶺得一銅鼓移置廟中大三尺高二尺許遍體篆文擊之其聲鏗然

安鋪天后廟銅鼓

咸豐閒商人陳克信往交阯見一銅鼓購歸置廟中其

大二圍擊之中節聲聞數里

資政大夫養齋江公墓碑銘 正書

公諱會東字浩然號養齋歸善訓導宗堯公爲大父太學生贈雲夢知縣南榆公爲父母陸氏生子四人公其季也少能任事繁劇立辦知縣公欣然曰是能張大吾後者也嗣是諸昆學宦而屬公家政因其固然而不擾孝友雍穆而生業倍蓰於舊公旣富厚慨然思有濟於物權其輕重緩急或順而施之或曲而致之於是貧乏有恤婚姻有助凶札有賑熒發有餼獎勵學校整飭杠梁凡大工大役眾環顧不克舉者皆助成之而於報本

石城縣志 卷九
之誼尤重置嘗產建祠宇凡捐四千金此其大且要者
他可略也公固慷慨尤能籌略爲眾倚仗嘉慶閒海氛
方熾潮汐所至民無安宇公決策堅守置閘築壘備器
械遠偵候經畫得宜風鶴無警邑有賓興之舉當事者
欲以印牘爲據捐貲者他日子孫給焉公曰裕財以濟
貧而貧者不得與非義也使狷介貞固之士無以惠其
後非教也均給之便眾躉之立更其制如公議會頒行
鄉飲酒禮邑侯上公賢能首賓禮之爲鄉黨楷模州里
有辯訟者公能探其情微言喻解之中丞盧公有急公
尙義之褒公雖不仕而力足以及物智足以經遠宜公
之克昌厥後也嘗讀袁淑與荀文若書稱許文休紀綱
同類仁恕怛惻皆有效事而北史紀李參軍士謙賑贍

鄉人至數千石頻行之不倦誠心確然若公者可無愧
矣卒年七十有八以子孫貴疊贈教諭知縣同知主事
加級至資政大夫德配陳氏廩生宇政公女端懿淑惠
與公協德先公三年卒年七十七疊贈孺人安人宜人
至正二品夫人子三人逢春廩貢生知州銜湖北雲夢
縣知縣贈朝議大夫應元廩貢生靈山縣教諭贈資政
大夫應霖附貢生江西按察司知事贈資政大夫孫十
二人瑞和光祿寺署正銜詹事府主簿贈朝議大夫熙
和廩貢生雷州府訓導封資政大夫燾和附貢生署陵
水縣教諭式和歲貢生內閣中書銜調感恩縣教諭中
和鹽課司提舉銜煦和廩貢生貴州安平縣知縣卽補
同知誠和辛酉舉人員外郎銜兵部主事加八級授資

政大夫勲和附貢生太常寺博士銜歷任龍門陵水縣
教諭借補廣州府訓導雍和署廣西宣化縣知縣燕和
邑附生鸞和彬和八品頂戴曾孫三十餘人國治候選
鹽大使贈資政大夫國仁附貢生候選郎中國華壬子
舉人安徽補用同知歷署太平縣知縣 賞戴花翎
國芬廩生國藻增生國澄辛酉拔貢廣西試用同知加
六級國濟廩貢生光祿寺典簿銜候補訓導國溥五品
頂戴布經職銜國均候選通判國瓊增生餘業儒元孫
十餘人以同治三年十月十七日亥時合葬於化州南
山嶺之原銘曰江陵千樹勢比封君匪豐其積而豐其
仁智以經綜義以普均與善人交金貞蘭芬格言至論
義方恂恂克懋厥德裕乃後昆魄妥重壤名永千春

同治三年歲次甲子孟冬月吉日

賜進士及第奉政大夫翰林院修撰 國史館纂修辛

卯 恩科鄉試陝甘正考官加三級吳川林召棠頓首
拜撰并書

右刻在南山嶺

石岡白雲寺銅鼓

同治四年力古斜鄉民某墾地獲一銅鼓陀村人購置
寺中圍徑二尺餘高亦如之

松明同文兩書院膏火序

正書

今夫建官必授祿將兵務儲糧理固然也爲學何獨不
然余嘗見夫磊落英奇之士往往迫於家計因而廢其
學業者吁此書院所以必籌膏伙也歲甲子冬予承乏

茲土每月課試松明同文兩書院見官課有膏伙而師課獨無惆悵者久之適安鋪有元白茶規舊藉兵收歸爲團練局費日久而奉行不實旋據零緣司巡檢陸洪稟稱六街業有團練此項無庸贅設請撥入兩書院爲士子增膏伙余深韙之自同治乙丑年始即將該項改歸兩書院爲館課獎給生童之貲一時士心悅服肄業日以眾文風亦日以盛今夏五月諸生擬勒石以垂久遠徵言於余余曰天下事難於創始而易於圖終雖是區區者爲數無幾安知繼此圖治者不擴而充之乎抑邑人士之樂善者不踵而行之毅然捐金粟置產業乎孟子曰有恆產者有恆心恆產之制固有待於將來而謹守恆心又不能無厚望於多士云爾是爲引

同治五年六月吉日鄉進士同知銜知石城縣事閩汀伊紹鑑謹序

右刻在松明書院右廊碑陰文不具錄
彭墩大福堂廟銅鼓

同治八年茶山村後石婆墳嶺崩出銅鼓大二尺許高如之周圍篆文纖麗隱隱若八卦象面臍突起邊際鑄蛙四今移置廟中

案廣東新語云粵故多銅鼓或謂雷廉至交趾瀕海饒溼革鼓多痺緩不鳴伏波始製銅爲之狀亦類鼓而稍卑縮下殺周以繁紋面上八角皆綴以坐鼉名爲駱越之鼓或曰晉書云諸獠叢鑄銅鼓以高大爲貴攻殺時聲其鼓至者雲集號爲都老鼓廟中銅鼓

蓋卽諸峒獠所遺是銅鼓有二種矣此則遍體作細篆文面列畫蛤四殆駱越鼓歟

荔枝山松壽廟銅鼓

成七都沙溝村人某在同福地嶺掘出一銅鼓移置廟中形製與前鼓同但略小耳

鋪洋石刻上俱採訪

矢于雷于

右刻在鋪洋邊塘村井頭山石卧於地字徑尺餘道勁奇古絕類秦篆殆唐宋前刻也下考爲雩字上模糊剝落頗難辨識謹仿原文錄出以俟博雅者考證之因無年月故附於末

案自來著錄石刻類隔前朝歐趙成式也金器上收

往古薛呂舊矩也第我邑僻處偏隅習尚簡樸往代碑刻無多茲編所載並及本朝以來亦倣明陳瞻吳中金石新編之例非敢自憑臆見也

事略

楊學英分纂

宋

乾道間流賊李接攻城知縣毛士毅死之舊志

明

己酉洪武二年縣丞倪望築土城舊志

壬子宣德七年廣西徭獍從陸川入境殘掠府志

己未正統四年春蠻賊蘇觀采率黨肆掠同上

是年裁主簿張志

戊辰十三年有星孛於南斗

己巳十四年大水

丙子景泰七年冬火星自南入天壁有聲俱同上

十二月初二夜廣西龍山賊架梯登城官軍失禦城中

被掠致仕鹽運使李澤遇害並掠其家男婦八口府志

未癸天順七年秋九月廣西流賊舊志云胡公威破城千戶高鵬死

之上

敕廣東總兵官歐信會廣西兵討猺賊信破賊於化州之馬里村再破於石城歐信傳

甲申八年裁縣丞張志

案張志職官表正統四年夏仲謙任縣丞是年裁缺與此異疑有誤

丙戌成化二年地大震張志

丁亥三年有星見於西北光芒如帚同上

戊子四年夏山賊馮曉寇縣境知府孔鏞招降之府志

曉失妻子後為無賴賊化州西北一帶苦之鏞知其不

可以卒滅乃厚恤其妻子會曉寇石城鏞持僉都御史

韓雍榜文詣營諭之賊羅拜因詢其妻子無恙乃曰公

恩德不可負遂降得眾五百人參邵國利病書

隄冬竹實張志

案竹花結實自晉元康元興以來史氏所書不勝枚

舉其實如麥可充民食占曰歲饑山海經云竹生花

其年便枯竹六十年而易根易根必經結實而枯死

實落土復生六年還成町今驗之實而枯枯而生果

然而謂六十年則未必確也竹實之歲有饑有不饑

而物異必書謹綴其說於此

己亥十五年冬大有年

配宏治二年春二月謫庶吉士鄒智為縣千戶所吏目

戊午十一年秋七月初昏大星自東南入西北聲如雷

己正德四年秋九月地大震

庚午五年春正月大雨雹厚二寸地大震

壬申七年大旱無禾民採食薯蕷

酉酉八年秋八月大星自東隕西北有聲

甲戌九年冬十月笏竹實

辛卯嘉靖十年春三月大雨雹震電

丁未二十六年春三月大旱自五月至七月大雨傷禾秋九月隕霜殺禾穀價騰貴民艱食

辛未隆慶五年冬十二月倭寇至

倭分二隊一趨電白一犯縣境有軍人林姓者銃擊一

賊退屯東墟數日移屯上縣村一夜潛登城西北有勁

勇蔡姓者覺擊之前後攻城甚急典史徐鎰輔知縣韋

俊民多方禦防卒保孤城至三十日拔寨徑抵雷城之

張官寨村屯住六年壬申正月初三破電城之倭又至

由城外過抵外村住劄時僉憲李材監總戎張元勳參

將陳豪督兵剿初豪將先鋒兵五百違節制幾危張公

大兵至始大捷斬首五十餘級生擒一虜餘黨奔雷與

前倭合官兵追捕至樂民大山盡殲之

戊寅萬曆六年秋孛星見東方西指亘天月餘乃滅

辛巳九年秋八月行清文法

珠賊殺永安所田千戶後討斬之

縣原於附海地方設烏兔多張志作名誤浪龐村三埠以居

蛋民捕魚辦課後為流商所煽造船盜珠是年潛殺官

兵奏聞上命擒獲首賊斬之餘俱發各埠散住

甲申十二年冬十月縣城火

自西街學地起漸延城內東南民居及城西社學俱同時災

癸巳二十一年海寇萬廷貴劫湍流村虜村民勞學會索金曾男子王年十五以身為質易父歸家籌金贖不及遇害

乙未二十三年夏四月署嘉禾生

署水槽生嘉禾一莖十穗粒可二升許知縣謝璿白題聯云心畏四知夜餽不來楊震宅政修五載嘉禾生向魯恭庭俱同上

六月大旱無禾通省皆旱高雷為甚府志

明知縣化州陳鑑吳陽道詩驅車下吳陽沿途無林木大火酷且蒸飛禽爭避宿一望黃如金疑是田禾熟按轡近為看黃苗焦已禿道旁遇老農未語吞聲哭去年連苦風飄揚發我屋今年連苦旱處處皆枵腹艸根與木皮饑來當饑粥官胥日填門稱貸債未足我聞老農言不禁兩眉蹙安得用為霖乘風噓震粟潤回四野春頓止萬家哭哀哉不能言持此問司牧

是月東方有大星出小星羣繞

丙申二十四年春大饑有隻鵝只換三升穀斗米能求八歲

兒之謠同上

夏五月大疫張志

縣民及雷州流民入境死屍橫道數歲子女止博一飽或易米數升邑中不染疫者十之一二冬大有年斗米錢二十餘文

戊戌二十六年夏五月大風雨壞廬舍傷禾稼

冬十月地震有聲樹木搖燈燭滅

是年遣中使開採池礦

先是歲丁酉民間謠言曰好採曰蹈礦曰好貨遍滿城

市至是而應連年騷動

庚子二十八年夏六月雷震六桂坊裂而瓦不損

癸卯三十一年瓊州府番念山開礦採銀縣民赴之疫作死者相藉

乙巳三十三年夏五月地震六七月又震地陷如井數處有水湧出馬千戶庄陷七潭今存二

丁未三十五年秋七月城東半里青蓮書舍瑞花生

邑教諭湯誥瑞花記夫瑞固不易產瑞亦未易也必含精葆和凝醇聚粹薰蒸鬱結而不可解故時見於天則為景星卿雲為甘露瑞雪時見於地則為河清海晏為圖書器車時見於物則為龍鳳龜麟為靈芝嘉禾瑞麥

之屬總之因人而應名世出而百瑞臻臻豈易哉城之東門外北角土名蓮塘一名白霧嶺復名青蓮境有居士龍貞之庄在焉築茅屋數間延席士高子魁及諸子大經大紳綬緙維絃讀書其中舍前丈餘地偶發一幹高三四尺許無枝葉幹末發蕊七顆其色紅花六出開時異香入於書舍旋繞四面如寶蓋經旬不散時則七月十六日也環城觀者日無計數百人皆知其奇不知其名相與笑玩咨嗟稱羨而去夫物而知名則常品裁而時發則常種根而後幹幹而後華一歲一復固造物之常何足異也惟是突地而起無年所無歲月不種而生不根而發天不能為之時地不能為之限人不能為之擬藜藿灼灼珠環聯絡箭直蓋圓色紅霞映花六雪飛百卉無芳挺然獨茂雖翦綠琢玉描寫丹青曾不及此信乎造化妙矣啟天地不盡之秘洩百年未有之機兆遠近前知之報預聖賢豪傑之符瑞哉花蓋如此其必有所屬也夫其必有所屬也夫然聞之春秋書祥而不書應欲人修德以凝之也瑞花固不虛生亦未擇地或總一人或關家邑凡修文者固勉力以為之毋謂產於一隅而自囿云

戊申三十六年夏四月日旁有黑氣

己酉三十七年秋大有年斗米錢二十餘文

冬地震

庚三十八年春三月笏竹實

辛三十九年秋蝗傷禾稼

甲四十二年冬大有年

乙四十三年秋大有年斗米二十餘錢

丙四十四年夏五月大星隕東北有聲

丁四十五年秋七月颶風大作壞廬舍

冬十一月地震

庚四十八年詔天下餉遼

甲天啟四年夏五月地震六月又震

丙六年冬大有年斗穀錢七文

庚崇禎三年裁冗官

夏六月大水溺人畜傷禾稼

壬五年春三月日暈

夏六月大霖雨自初九至十七水溢縣署頭門壞城垣民舍多傷禾稼人畜

秋七月颶風

秋七月颶風

戊十一年夏五月白梅賊抵城

賊三百餘黨號稱西粵馬剗黎明突入東門劫至西街

多執竹鎗木刀城軍竟不能禦知縣陳惟甯登樓擊鼓

居民緣屋拋石擲死一持飛牌者賊懼始退事聞委電

雷二參將會剿獲賊首李初富等斬之署所千戶朱國

瑞置法知縣陳惟甯俱張志謫戍

甲十七年春正月府囚越獄劫庫知府鄭三張志作謨遇

害府志

秋八月崔文瀾作亂攻城殲郎中龍大維家大維遁

時燕京陷吏部龍大維與庠生崔文瀾因塘構隙文瀾

糾黨於八月二十七日圍城攻擊大維夜遁其兄弟子

姪四人遇害文瀾稱戈不已守道邢委廩生林一梅授

策執殺文瀾解首後文瀾黨仍圖報復至鼎革兵至乃

息張志

三月朔日有食之天地昏暗府志

三月朔日食葉中均見一眼孔天昏地黑慘變異常五

月始聞燕京三月十九日之變吳川陳舜系亂離見聞錄

國朝

甲順治元年夏五月

大軍定

京師通鑑輯覽

丁亥四年春二月

大兵定高州

總督佟養甲提督李成棟遣總兵官方國泰副將趙國

威周朝等率師徇高州官民郊迎安堵參名臣傳黃府志

秋七月明監軍古龔都督孫時顯帥狼兵自粵西抵城

知縣郭祚新先棄城逃後被執殺張志

是年減荒田租賦除雜餉

丑六年冬明施尙義據城毀民房殘城郭俱同上

案亂離見聞錄廣西施尙義葉標領明太師陳邦傳

永歷劄付招兵恢復一時叛黨復萌施葉擁至數十

萬眾破化州圍高州四閱月糧盡殺馬食方國泰趙

國威周朝三鎮始投降至是陷石城十年六月犯吳川執殺知縣黃應乾海防通判劉士芳統兵追剿乃遁去

庚寅

七年夏四月冷宏傑殺明吏部侍郎洪天擢於官橋

府志

初天擢為海南道駐瓊州順治四年李成棟渡海天擢投纜墜地不死遂降既而成棟歸明天擢以與謀擢為吏部左侍郎天擢素無宦情又以名節不全用反正功居卿貳悒悒不自理稱疾不視事絕葷酒閉戶誦佛書明桂王永曆三年天擢九乞骸骨得請去寓高州吳川之芋隴常往來塘菴拔貢林瓊樹家時高州守將李明忠驕憤無度結給事中李用楫為兄弟先是用楫在瓊州議降成棟為天擢所逐至是用楫謂明忠曰天擢舊

官海外有異寶為少宰復受多金可冀殺之明忠遣冷宏傑引兵攻之時天擢自吳川還廣西行至石城之官橋宏傑殺之殲其家童稚無免者掠其資不滿百金明忠嘆曰給事第欲報私怨而使我殺此窮老措大耶事露用楫方與王化澄吳貞毓比遂無致詰者

據永曆實錄亂離見

聞錄修

八年春二月總兵徐有功將兵復高雷廉道經石城明

總督四府李明忠逃於龍門

參張志見聞錄

案通鑑輯覽辛卯八年二月我總兵徐有功復高州行在陽秋云辛卯永曆五年三月高州提督李明忠兵潰岼口遂遁又見聞錄辛卯順治八年靖南王出巡直抵高雷廉實為招撫明海康伯李明忠自辛卯年

聞廣州失守攜眷遁牙山龍門靖王遣官招撫而明忠不至未幾明忠就擒靖王謂昔與吾父有八拜交勸之降忠言繼茂非耿老子不可冒認汝以希生靖王再三勸終不從乃殺之衣冠不脫而死時壬辰六月十二日也雷鎮中軍張鎮恩本明忠援勦營大廳陰買其骸瘞雷州城內明忠一船家口八十餘在鄧耀之龍門七月颶風盡沒於海

又舊志以賊將書李明忠以西賊書施尙義今遵輯覽書法李明忠刪去賊將字施尙義刪去西賊字

癸巳十年夏四月穀騰貴斗米銀五錢

張志

夏化吳石參將應太極禦敵至龍山遇害

同上

案亂離見聞錄順治八年應太極征化州波羅洞寇

被周金湯殺於婆墟路口與此異然見聞錄乃當時目見當確

六月明周金湯據城知縣張其榮被執失印

秋七月地震屋宇皆動日夜連震七次

九月原署縣事羅國治復任交通廉鎮多開利竇閭邑騷然

甲午十一年春三月明安西王李定國率騎步兵數萬象十

二頭由西粵突至各官悉奔回省城

俱同上

先是定國由柳州至高州平藩標下副將陳武李之珍高州守將張月督兵至石城青頭營與戰失利之珍趨雷白月還高州欲挽武共降武不從及定國至高州月私納款遂賣武以降定國入高州改舊府署僭營王殿

重征加派每米一石納扉履及鉛鉄等物民甚苦之遣
兵圍新會兩次不下冬十月定國親至督戰十八日將
軍朱馬喇統滿漢兵同平靖兩藩與戰於河頭用火箭
破其象陣定國大敗遁去結筏而渡奔回廣西據茂名志
案通鑑輯覽十年夏李定國犯廣東攻高州陷之時
由榔聞定國軍聲大振欲密下一敕令統兵入衛諭
大學士吳貞一兩次撰救鑄屏翰親臣金印令林青
陽使高州定國拜受命紀年與此不符考府志甲午
三月李定國入高州亂離見聞錄順治甲午十一年
三月二日明安西王李定國到高州四月定國病便
結拘醫診治予在數中八月拘予隨營任事至廣肇
十二月十四大清將軍朱馬喇率兵過新橋一字數

千船渡河大戰安西所帶可望兵八千先遁餘兵齊
靡遂大敗與府志合據陳舜系乃當時目見的確可
從

乙未十二年奉文增修平頭城設高廉雷總兵官總兵栗養
志移鎮石城詳請鑿池將通後嶺見血水流出乃止未

幾知縣王訓典史吳斌先後卒於官張志

丙申十三年春正月總兵官栗養志剿高廉雷三府山賊平
之斬其渠魁彭兆龍曹玉陳選同上

案府志云總兵官栗養志剿茂名山賊曹玉陳選於
雲曇大破之曹玉遁去後獲正法陳選降赦之吳川
歲貢吳宣崇見聞錄補證云栗總兵剿天官關山賊
曹斌卽玉也混名曹雲曇地名有山曰三官山隘曰

天官聞玉據為巢時人語曰天官有狗壘高州有老栗爾出我入爾入我出後以計使其黨誘殺之遂平與此稍異疑有誤

夏均夫役

府志

戊十五年副將江元勳屯兵於石駐劄三載人馬多疫死

張志

秋九月有火星降縣治二十三夜火起縣前延燒多處六桂坊被燒一角

冬勞竹實

自是連三年勞竹皆花結實穀騰貴民食竹實以度荒考吳川李玉培瑣記云古語相傳勞竹六十年花實一次食竹實者忌食蜜是年有煮竹實者以蜜和之一家

盡斃和蔗糖者無恙也後人宜戒之

己亥十六年夏四月寬孤丁里役

庚子十七年春正月蠲十二年至十五年逋賦

辛丑十八年高雷廉總兵官栗養志討遂溪山寇鄭昌平之

鄭昌遂溪南昌村人從山賊王鑑在樂民山為盜順治十七年受雷州參將江起龍等撫縛鑑以獻遂據其穴十八年復叛盡招鄰境惡少無賴四出劫掠驅男婦犂以取贖西南近遂一帶苦之時總兵官栗養志督軍剿賊乃檄舟師環其外聲言師期賊退守南昌而故久稽不至賊守益懈南昌與暗鋪下之麻水村隔海港為其後戶賊於遂之大路設柵數重養志自縣城一晝夜從麻水渡海出其不意入其巢穴遂斬昌釋所繫男婦千

有奇搜捕餘黨奸惡梟詰者悉斬之石遂之民始得安堵

壬寅康熙元年夏蠲免順治十八年以前逋賦

詔遷沿海居民賑之俱同上

四月

命內大臣科爾坤介山巡視濱海居民令遷內地五十里賑

貧民之不能遷者郝通志

秋八月颶風大作傷禾稼知縣李沛請賑濟張志

癸卯二年夏五月霖雨謝建嶺裂水流如血同上

免廣東遷移沿海田地無徵銀米黃府志

秋九月

命內大臣巡海再遷濱海居民 造建沿海礮臺

命以策論取士

甲辰三年奉裁教諭

各府州大縣裁訓導小縣裁教諭本邑裁教諭存訓導

秋九月彗星見上張志

冬十二月十日兩日交加亂離見聞錄

乙巳四年正月五日巳時兩日交加如去冬樣初十日巳時

又兩日交加同上

是年知縣梁之棟修邑志

丙午五年夏五月除各縣日供雜派值月夫役張志

丁未六年春免逋賦

戊申七年冬

命內大臣展界添設墩臺四所

配八年春二月復遷海居民舊業免元二三年逋賦
化州山賊寇縣境俱同上

化州山寇草鞋三沿鄉焚劫殺傷甚眾民無甯處至十
二年合化州官兵擒獲解省

命取士復用八股府志

案番禺志揭陽志云康熙二年癸卯科以制義為王
安石所勅改用策論不用八股文是科復以制義取
士

庚戌九年知縣李琰修邑志

辛亥十年冬十月免四五年逋賦張志

壬子十一年夏

詔選各學優等生員一人入監讀書

癸丑十二年春三月大雨雹九月地大震

甲寅十三年春正月有紅黑氣掩日

秋大有年斗米二十餘錢俱同上

乙卯十四年春三月六日辰時天有二暈交加一紅一白紅

大白小日在二暈交加中暈外生兩小圈似耳亂離見聞錄

夏六月高州總兵官祖澤清叛府志

先是十三年吳三桂叛潮州總兵劉進忠應之勢張甚
至是平藩徵祖澤清協剿澤清心憚進忠遂據高州叛
時雷州兵駐劄石城六月二十二日閉城擄掠劫庫脇
知縣典史往雷州七月賊首鄭應奇領受偽劄統賊數
千經石往廉劫掠八月逆藩吳三桂勾西逆馬雄糾黨
李廷棟董重民郭義稱將軍率寇數萬從廉入石驅民

開通西路強勒夫役解運米糧民不聊生參府志

案亂離見聞錄十四年六月十九日祖逆上信威將

軍任二十二日高州兵下石城搶遂溪見聞錄補證

郡志云祖逆之變偽授閩人陳炯宏為糧捕通判催

督夫役糧米有力疲而不足於供者宏謂其敲撲無

益也截竹為筒舂艾於內置尻骨燒之痛苦難堪時

呼艾火陳

丁十六年春三月大雨雹張志

夏五月祖澤清歸正石城始安府志

澤清殺海賊謝厥扶贖罪許之

戊十七年春正月地震張志

閏二月祖澤清內遷變儀衛疑懼復據高州叛府志

案張志云據張王山叛考張王山近廣西屬合浦乃

澤清西遁後被擒之處非據叛之地也

夏四月官兵進剿澤清奔廣西官兵道經石城同上

秋八月張志作十八年八月當稿廉州總兵佟張志作修誤國璽擒祖澤清

於張王山檻車由石城送京師伏誅黃府志

案亂離見聞錄云十四年六月吳三桂差人送諭帖

並信威將軍印與高鎮祖澤清望日高營兵遂反十

六年澤清歸正十七年四月又反雷廉從之五月望

尙公爺額將軍等大兵到大破高廉諸營各官奔廣

西滿城男婦走西岸溺死無算初三桂之叛也潮州

總兵劉猴子即進忠應之勢張甚乙卯五月平南徵澤

清標下協剿弁兵畏猴子如虎不欲往移礮逼澤清

應三桂澤清不能制遂叛丁巳五月偽靖海將軍謝厥扶欲候馬雄於電白過高州祖逆計殺之 朝廷許以自新戊午正月陞鑾儀衛使心疑懼復據高州叛請助於廣西不應以其殺厥扶也我師至討破之於電白祖逆遁見聞錄補證逆臣傳云十八年八月官兵搜山獲澤清及其子良梗送京師十九年二月澤清良梗俱磔死諸子家口籍沒廉州志云十八年秋七月廉州總兵佟國璽追叛鎮祖澤清於張王山獲之並其子檻送京師正法又李符清古文曰邑張王墟多大岡復嶺地幽阻攷張王墟在合浦城北百二十里黃府志謂張王山在廣西未確見聞錄謂馬雲程擒之亦不符

紀十八年秋八月海寇洗大鼻鄧正奇謝昌等沿海肆掠

剿平之

張志

海寇楊二與洗謝等結黨連年劫掠民間男婦按丁勒贖濱海一帶逃竄殆盡後水師進剿滅之居民始安

庚申十九年秋大旱無禾

俱同上

壬戌二十一年

張志作十七年誤

復教諭

府志吳川志

夏五月有蝴蝶數百萬自西來東三日乃盡

張志

冬十月地震

癸亥二十二年

命展元年遷界 差大臣杜臻等會同總督吳興祚巡撫李士楨開界准民採捕

冬大有年連豐三年

丙寅二十五年知縣周宗臣續修邑志

丁卯二十六年夏五月免新加雜稅

詔免歲貢赴京 廷試

戊辰二十七年海寇劫零綠等處千總翟際亨被害俱同上

己巳二十八年秋九月颶風上同免高州屬通賦府志

庚午二十九年置常平倉遇蠲免錢糧業戶免七分佃戶免

三分張志

壬申三十一年秋大旱

癸酉三十二年冬大有年同上

乙亥三十四年知府魏男行均役法黃府志

柏鄉魏男嗟高涼詞嗟高涼之困苦今余觀之而心傷斯民其何辜兮乃咸饑餒而不揚無襦無袴兮裸形有室有家兮悽愴竹籬茅舍紙被竹牀豈無田疇豈無稻糧胡為至此僉曰硬當谷一石而值八九十文兮終歲

所入幾何米一石而徵二三十貫兮雜派之出靡量吏胥承粟如虎如狼剝骨吸髓剗肉醫瘡賣男鬻女血淚沾裳長吏不顧專事術楊誰作此擊其人既亡問其子孫子孫不昌余痛之而力除其弊民安之而惟恐不常吁嗟乎百姓余豈能終守此一方乃有似親非親似故非故若愛子若憎子揖子而言曰子之意則厚矣不曰莫形彼短靡恃己長焉知子之是而人之非安在子獨明而人皆盲恐怨將叢於子子不如無言而相忘余應之曰否否余非好為此也余恐後之人不鑒亦如造此者之身天而嗣殤同此身軀同此肝腸胡為乎竭他人之脂膏盈自己之私囊不顯父母不報皇王忠孝兩虧喪此心良十目十手三界三光君即不加誅今天亦必降之以殃迨至財歸烏有身入北邙一邱黃土數株白楊牧童樵子談笑道傍指而目之曰此某某也彼當日者實甚愛乎孔方噫盜跖正首邱夷齊餓首陽報施果何如天道渺茫茫詎知蒿蓬生亦臭蘭蕙死猶香鴟鴞雖云鳥敢曰比鳳凰後賢如有待聊留此數行

丁丑三十六年秋七月螟張志

己卯三十八年裁驛丞

案職官表載康熙四十九年奉裁紀年不符疑有誤

庚辰三十九年秋螟次年又螟

壬午四十一年知縣孫繩祖重修邑志

癸未四十二年停里役府志給老人粟帛

乙酉四十四年笏竹實冬大有年

丙戌四十五年春正月地震竹實

丁亥四十六年免四十三年前逋賦府志秋九月大雨俱同上

己丑四十八年夏給老人粟帛張志

辛卯五十年夏免地丁錢糧並四十八年以前逋賦府志

癸巳五十二年特開

萬壽 恩科以二月鄉試八月會試來歲仍行正科張志

詔免地丁錢糧及逋欠 賞老人

自五十年編審丁數定為常額續生人丁永不加賦仍

造報戶口冊

是年知縣田發詳免供鹿

先是郡城春秋丁祭派石城辦鹿供應皆殷戶往廣西

陸博等邑山林網羅不獲則重價市之獵家每鹿一頭

需銀十餘兩計到縣與到郡役費需銀二十餘兩而鹿

性激烈往往解送中途倒斃既苦殷戶倍價又累夫役

懲責知縣田發詳請免供時高廉觀察靳公批准如詳

免供嗣後即於產鹿處所採買或一時缺乏以羊代祭

夙年積弊一旦獲除仁人之言其利溥哉

甲午五十三年春准文武鄉會試互試不中式仍歸原冊不

准再試此例尋廢

丙申五十五年

命廣東丁銀配入地畝徵收

庚子五十九年秋七月地震

癸卯雍正元年特開

恩科以四月鄉試九月會試

詔舉孝廉方正 賞老人 墾田 秋蝗大荒

是年舉行鄉飲酒禮 儀注附

鄉飲禮每歲正月十五十月初一日於儒學行禮前一日執事者於儒學之講堂陳設坐次司正率執事者習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席者率僚屬出迎於庠門之外以入主居東賓居西三揖三讓而後升堂東西相向立贊兩拜賓坐執事又報曰僕至主席又率僚屬出迎揖讓升堂拜坐如前儀賓介俱至既就位執事者唱司正揚解執事者引司正由西階至堂中北向立執事者唱賓僕以下皆立唱揖司正賓僕以下皆揖執事者以解酌酒授司正司正舉酒曰恭

相勸勉為臣盡忠為子盡孝長幼有序兄弟恭內睦宗族外和鄉里無或廢墜以忝所生語畢執事者唱司正飲酒飲畢以解授執事者執事者唱揖司正揖賓僕以下皆揖司正復位賓僕以下皆復位唱讀律令執事者以下皆立行揖禮如前讀律令者詣案前北向立唱案執事舉饌案至賓前次僕次介次主三賓以下各以次舉事舉饌案至賓前次僕次介次主三賓以下各以次舉訖執事者唱獻賓主起席北面立執事者對酒以授主受爵詣賓前置於席稍退贊兩拜賓答拜訖執事又對酒以授主主受爵詣賓前置於席稍退贊兩拜賓答拜訖執事復位執事者唱賓酬酒賓起僕從之執事者對酒授賓賓受爵詣主前置於席稍退贊兩拜賓僕主交拜訖各就位坐執事者分左右立介三賓眾賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌僕候徹饌案訖唱賓僕以下皆行禮僕主僚屬居東賓介三賓眾賓居西贊兩拜訖唱送賓以次下堂分東西行仍三揖出庠門而退凡鄉飲酒禮序長幼崇賢良別奸頑其坐席間推高年德邵者居上高年(指篤耆)者并之其次序齒而列其有違條犯法者概不許干於善良之席違者罪以違制例敢有誼諱失禮者揚解以禮責之主席知府知州知縣如無正官佐貳官代位於東南大賓以致仕官為之位於西北僕擇於鄉里中年高有德之人為之位於東北介以次長位於西南三賓以賓之次者為之位於賓主介

僕之後除賓僎外眾賓皆序齒列坐其僚屬則序以爵
司正以教職為之主揚解以罰失儀者贊禮者以老成
生員為之

甲辰二年行便民社倉

命學臣舉報生員優劣 歲舉老農一人給以八品冠帶上俱

張志

詔建忠義孝悌節孝祠府志

凡忠義孝悌祠樹石碑一刊前後忠義孝弟之人姓名
於其上已故者設位於其中節孝祠建坊一標前後節
孝婦女姓氏於其上已故者設位於其中俱春秋致祭
務令窮鄉寒苦皆得表彰肇慶府志
是年饑斗米六百餘錢張志

乙巳三年夏疫

丙午四年

詔建先農壇舉行耕藉禮

戊申六年

詔直省拔貢六年舉行一次 民間買產許給布政司契尾

己酉七年春正月定各官養廉

定易制錢例每銀一兩易大制錢一千文

蠲免四年以前舊糧 八月免庚戌年地丁錢糧

冬十月設約正

凡州縣城內及各大鄉村各立講約之所設約正一人
於舉貢生員內揀選老成有學者為之值月三四八
選樸實謹守者為之置二籍德業可勸者為一籍過失
可規者為一籍值月掌之月終則告於約正而授於其
次每月朔日舉行先期值月預約同鄉之人夙興集於
講約之所候約正者老里長皆至相對三揖眾以齒分
左右立設案於庭中值月向案北面立抗聲宣讀
聖諭廣訓各人俱肅聽約正復推說其義必剴切叮嚀務使

警悟通曉未達者仍許其質問講畢於此鄉內有善者眾推之有過者值月糾之約正詢其實狀眾無異詞乃命值月分別書之值月遂讀記善籍一遍其記過籍呈約正及耆老里長默視一遍皆付值月收之其事畢眾揖而退歲終則考校其善過彙冊報於縣官勸懲其約正如有有一年之內能化導愚民者給扁獎之三年之內著有成效遴其最優者送部引見年衰不能赴部舉人給以六品冠帶貢生給以八品耆老給以九品

十一月大雪

庚戌八年六月增化石營弁兵設額外教職各府一員

秋七月大水壞沿河民舍甚多

壬子十年改碯州化石營守備為都司

乙卯十三年大有年斗米錢五十文俱同上

丙辰乾隆元年特開

恩科

並開博學鴻詞科

罷清丈報溢加稅

先是雍正十三年清丈地

畝黃府志

秋大風拔木破廬張志

己未四年春二月換石城縣印

因年久糊模知縣張恕具文請換於二月十一日新印

到即日開用

壬戌七年更定選拔之期為十二年

甲子九年夏五月地震俱同上

丙寅十一年上以廣東高雷廉三府荒地磽瘠居多令該

地民人墾種者概免升科並為世業皇朝通典

丁卯十二年蠲免地丁錢糧張志

定學臣考試先文後武同上

壬申十七年

太后萬壽 特恩開科以二月鄉試八月會試題名冊

癸酉十八年秋九月大雨壞城民舍百餘間張志

丙子二十一年秋邑純八純十豐三上下四都欠收蠲免地

丁錢糧

丁丑二十二年大饑設廠賑濟

知縣顏煌詳請出借社倉穀繼以博陸兩邑大饑入境
販運就食者眾市米騰貴邑俱乏食顏煌通詳賑濟倡
捐米一百四十石眾紳捐米四百七十九石分石嶺太
平店銅鼓逕三廠散給每人給米四合石嶺太平店二
處自五月初八日賑起至六月初四日止銅鼓逕自五
月十八日賑起至六月初四日止時貢生羅天賜林璋
兆考職縣丞曹璽各捐穀百石以上詳奉總制中丞給
扁獎捐職主簿鄒士貞貢生陳徽文鍾應暝監生揭子

昂各捐穀五十石奉方伯給扁獎耆民譚高監生羅芬
各捐穀四十石奉郡守給扁獎貢生鄒君寵鄒遇監生
揭端風生員揭振風各捐穀二十石以上本縣給扁獎
餘與獎例未符者均開姓名榜示

戊寅二十三年定學政歲科兩試加律詩一首生員八韻童
生六韻

己卯二十四年春夏疫俱同上

庚辰二十五年

萬壽 特恩開科題名冊

壬午二十七年免二十二至二十五年民欠廣州府志

甲申二十九年秋八月有星大如斗長數尺小星隨之自東

隕西有聲張志

庚寅三十五年

萬壽 恩科題名冊 蠲免地丁錢糧志

辛卯三十六年春三月雨至八月始霽冬饑

壬辰三十七年夏饑

癸巳三十八年夏六月大風雨拔木毀廬

甲午三十九年秋八月颶風

丁酉四十二年知縣喻寶忠重修邑志 秋大旱蝗

戊戌四十三年春大饑官紳賑濟 秋八月地震 冬大有

年

四十二年秋大旱知縣喻寶忠戒城廂耆庶潔齋拜禱三日得雨秋種乃播七月寶忠奉檄赴省闈分校九月撤棘後聞邑中大旱白院司馳回時四郊如焚米價斗

已三錢銀有奇乃以凶荒情形備告請來春賑糶兼行四十四年正月示期於二月十五日開賑寶忠倡捐米四百石諭紳士各捐輸助賑乃於四路分設八廠一在城一銅鼓逕一石嶺一太平店一橫山一吉水一青平一長山各廠俱以三五八為期大口五合小口三合各廠人數每日均以千計散米自十數石至二十餘石不等時監司李廷揚郡守殷長立各捐廉銀二百兩方伯姚成烈捐廉銀一百兩發縣買米助賑暨邑中殷戶捐一千八百四十二石自正月二十五至三月十八日共賑米二千六百二十七石八斗隨又奉總制楊景素中丞李質穎廉念高廉兩郡艱食捐發賑銀六千兩以石尤甚分發銀二千二百五十兩長賑時米價每斗銀五

錢有奇以銀易米僅得四百石李廷揚請助倉穀碾米二千二百五十石於秋後定價五錢一石買穀還倉一轉移間得米數倍議以大口給米五斗小口五升作一次大賑於三月二十八日八廠同給計男婦大小二萬七千三百八十八丁口給過米二千二百五十五石時銅鼓逕太平店青平三廠與化吳遂博毗近饑民亦雜入領米不能區別實忠乃於門外復捐米設一粥廠俾無歸往來就食者赴廠受粥自三月初五日至四月初十日止計捐米五十石有貧生不願領賑者牒學開報名數各給穀一石計捐穀八十石又自三月十八日開倉平糶按照戶冊丁口多者買穀一斗次者五升又次三升亦分八廠平糶至五月二十八日止共糶穀一萬

二千九百有奇社正副管理社穀令赴倉具領籽種耕租多者給種二石少者給種一石或數斗計借過籽種穀一千五百四十六石六月早禾熟糧價漸平勸諭各鄉鄰族共敦任恤凡春間未耕荒田借用牛種俾各補種秋禾至秋鄉民因多食雜物疾病者屢復捐製菩提藥丸發給久之乃止

紳民助賑捐穀百石以上者耆民胡展鳳張世昌五十石以上者考職縣丞曹璽例貢生朱爾德鍾道熙武生鄒君宰監生吳瑜里民劉日炳節婦張羅氏等二三十石者拔貢黃友珍例貢鄒文洋陳光伍耆民張黃等是時捐賑姓名尙不止此因志稿不全又無卷可稽故闕之俱同上

己四十四年特開

萬壽 恩科題名

庚子四十五年夏免地丁錢糧黃府志

丁未五十二年定童子歲科試用四書文二道招覆日補五

經文一道張志

己酉五十四年

萬壽 恩科先於戊申年預行己酉正科題名

庚戌五十五年蠲免地丁錢糧張志

癸丑五十八年六月大水

秋八月洋匪登岸劫龍頭沙礮臺殺兵丁三名同上

甲寅五十九年

特恩開科題名 是年停止鄉試榜後覆試之例科場條例

春正月總督覺羅長示禁需索漁船陋規

碑監安舖天后宮 檔冊

為嚴禁需索漁船陋規以安生業事照得沿海捕魚船戶例應給照稽查原令安靜謀生禁止為匪今本部堂訪聞沿海各州縣衙門遇有漁船出口混取掛號錢文書辦衙吏自必效尤勒索迨漁戶捕魚轉回營汛又向索取其泊船處所汛弁兵丁復要規禮查伊等冒險捕魚生涯有限如此層層剝削節節難漁戶所得無多入不敷出非但不肖之徒易於入匪即窮苦良民亦將被迫為盜實於吏治民生大有關係除通飭革除外合亟出示嚴禁為此示仰各屬官役兵民人等知悉後文武各衙門營汛務須痛改前非將向來海口船隻出入一切陋規概行革除淨盡倘再敢復蹈前轍暗中需索一經訪查得實或漁戶人等赴報告發官弁則立予嚴參兵役則立提杖斃爾漁戶等此後各安分營生勉為良善切勿通盜為匪大干重罪各宜凜遵毋違特示

乙卯六十年蠲免積欠錢糧張志

丙辰嘉慶元年春正月賞老人粟帛黃府志

夏五月彗星見於東方張志

戊午三年夏穀價騰貴斗穀錢四百文同上

己未四年免乾隆六十年以前積逋黃府志
庚申五年特開

恩科題名冊

辛酉六年海寇劫兩家灘張志

秋八月颶風大作笏竹實

癸亥八年夏五月洋匪今古養劫青平橫山等墟鄉勇擊敗之

海寇今古養率匪數百於是月初二夜劫青平墟鄉勇圍擊獲賊譚承貴張光倫等二十一名解案又於初八夜由三墩埠登岸劫橫山被典鋪礮斃數賊昧爽貢生李安率鄉勇追捕安鋪鄉勇協攻殺賊二十餘名生擒二十餘名追及賊艘被賊礮斃安鋪鄉勇一名宋廷貴

各奮勇力戰奪匪船二號典鋪給賞殺賊首級每名賞銀十圓生擒每名賞銀二十圓奪賊船每隻賞銀五十圓共殺匪四十餘名匪船三號均交李安報縣經知縣鮑春藻詳辦

案是役武生何文寶初被海寇擄去毒施鞭撻幸潛逃至是寇劫橫山文寶奮勇率眾力攻賊潰追捕獲賊交李安解案故老相傳今猶載口碑不置

冬十二月海寇劫梅廣村全姓獲賊六名

丁卯十二年彗星見西方俱同上

萬壽恩科題名冊

己巳十四年秋八月大雨多壞廬舍張志

庚午十五年春三月穀價騰貴

夏五月海寇平俱同上

先是寇魁張保與烏石二分道劫掠保在廣州各港烏石二在高雷瓊各港縣西南沿海一帶苦之總督百齡遣人招安許張保以不死且賞以官保先降烏石二不奉命總督親至雷州督戰使張保計擒烏石二與其兄烏石大於雷州磔之餘黨或赦或誅濱海居民始安

總督百齡示禁衙役陋規

碑監賓興 檄冊

為嚴切曉諭以除積弊事案據石城縣紳耆林宗九等呈稱切衙門人役不能枵腹伺辦各項陋規到處皆有總宜酌取公平不應有加無已惟石邑代書一項從前每張蓋戳收錢十五文至嘉慶十一年漸增至一百六十文戶承二房並門上小子每紙戳記共需錢二百文狀式在外百姓告狀一紙費錢數百元貧民實難措辦有冤何伸至審事鋪堂一項從前每許收錢四百文今增至一千五百文三班值日每堂共收錢三四千不等

似此陋規漸增無復底止民間遇有冤抑不得控理而皂班門房把衙班長行行需索民何以堪茲幸大人按臨清釐積弊只得聯叩恩准示禁頒定款項不得多索勒諸貞珉以垂久遠合邑均沾等情當批代書諸役原因小民雀角爭訟不諳書寫是以設立依口膳呈每張蓋戳並紙張筆墨飯食不過收錢數十文而止何得任意加增層層須索據呈該縣每呈一紙代書收錢一百六十文戶房承發房及門上小廝俱有費用需錢數百文方遇一狀並審事鋪堂每次收錢一千五百文及三四千文不等殊屬大干功令 朝廷設官治民乃竟縱令胥役需索殃民實堪痛恨准即給示勒石曉諭代書每呈一紙蓋戳紙張筆墨飯食止許收錢二百文其房書門廝及審事鋪堂每次許收錢一千五百文如敢仍前增加勒索許被勒之人指名據實具呈以憑分別揭參治罪各宜凜遵毋違特示

辛未十六年秋七月彗星見東北方張志

乙亥二十年冬大雪同上

戊寅二十三年

萬壽恩科題名 冊

己卯二十四年免二十二年以前積逋 賞老人粟帛 旌

表軍民之百歲者 黃府志

知縣張大凱重修邑志

舊志職官表署任知縣不書知府戴錫綸致書論職官一則

周禮春官小史掌邦國之志志記也積記其事也志法本史史家記首大事漢司馬遷有大事記一邑令長實主神人事匪細矣唐杜佑通典職官志特列一門其應正署備書昭職守也重曠官也此志家所宜積記而無所用其去取者也前閱茂名新志職官門皆有實除而無署任余求其義不得乃今石城新志亦然惑滋甚焉竊不能已於言乾隆六十年以前余不知之矣後此若汪君注鮑君春藻現權潮守之李司馬溁知化州鄭牧域輪胥石城署任也而舉不書及閱學校門至書院田租則余所知之李鮑鄭並乾隆六年之署縣李某三十八年之知縣趙謙德咸敘列事蹟而職官不具姓名主客易位本未倒植此其未諭一也夫官之有署久矣曰權曰攝曰同日行曰檢校官官之名或殊其所以官官無異也 昭代功令署事人員姓名履歷任卸日期均須咨部以專責成蓋有地方則有政事有政事則有職官無日無政事即無日無職官催科撫字考課從同保障繭絲司存猶是 朝廷制無曠官志職官者顧從而曠之此其未諭二也記載有據實直書勸懲之義不與

而賢否因之以見者如史記立功臣王子侯等表職官有志何以異是姓字歸職官之門建監屬名宦之傳體例各別黑白自分不待黜陟之私默假筆削之柄况大府方纂修通志採輯開報自邑而省業極詳備矣而縣志反從簡略同時同事上下兩歧此未諭三也奉職則養廉半給既非代理之暫據印床當官則父母斯民更非流寓之偶然浪跡公孫述著兼攝之縣張京兆傳五日之名數典而乾侯之義可推言情而桐鄉之民足效若謂舊志署縣周宗臣入名宦而不入職官然前入裁制少疏者又未嘗不許後人之補而正之也都無失實之虞不在闕疑之列願閣下轉致分纂諸君一再酌之可也

辛巳道光元年

恩科 免地丁錢糧 賞老人粟帛 櫛

癸未三年春本道督修府城六屬各照段落分築 黃府志 本邑

向係管修城垣七十丈遞年縣主出保固結詳上憲 櫛

甲午十四年免十年以前民欠錢糧

乙未十五年

太后 萬壽 恩科俱同上

丙申十六年冬彗星見於西北光芒數丈月餘始沒探訪

戊戌十八年秋大旱同上

己亥十九年禁洋烟楊府志

夏五月頒鴉片新例同上

案夷艘寇海記云鴉片烟在康熙初以藥材納稅乾隆三十年以前每年不過一百箱嘉慶元年以嗜者日眾始禁之嘉慶末每年私鬻至三四千箱始積澳門繼移黃埔道光初嚴禁復移零丁洋之蘆船洋船至皆先以鴉片烟寄蘆船始以貨入口凡閩浙江蘇商船買烟者從外洋販運粵人則在口內議價而後運入始蘆船不過五艘其烟不過四五千箱迨增至二十五艘烟二萬箱則在道光六年總督設巡船之後前此定例互市以貨易貨不准紋銀出洋每歲英商補內地貨價銀錢四五萬員其後英商求准貨船洋銀餘剩者帶回十之三於是銀之出洋者無算十二年總督鄧廷楨復設巡船而水師積習已不可挽十七年總督鄧廷楨復設巡船水師副將韓肇慶專以護鴉片烟漁利而每年入口者遂至四五萬箱大理寺卿許乃濟曾任廣東道員奏請鴉片

烟照藥材收稅十八年鴻臚寺卿黃爵滋奏請嚴禁鴉片烟以防紋銀出洋於是欽差湖廣總督林則徐赴廣東查辦十九年正月抵粵英人查頓聞風先竄頗地隨其領事義律由澳門至省城夷館林則徐遣兵役圍守之令繳零丁洋所泊二十五船之烟土義律具稟遵繳其往各洋之烟船亦回粵共繳鴉片烟二萬二百八十三箱林則徐鄧廷楨往虎門驗收每箱賞茶葉五觔奏入諭令烟土解京則徐力言其弊始諭令即在海口銷燬毋庸解京則徐會同督撫於虎門監視銷燬就海灘高處開池浸燻投以石灰頃刻騰沸夕啟瀆洞隨潮出海矣

庚子二十年

萬壽 恩科先於己亥年預行庚子正科檔冊

甲辰二十四年

萬壽 恩科 免二十年以前民欠錢糧 賞老人粟帛檔冊

冬大有年探訪

丙午二十六年秋蟲傷禾稼是歲饑

丁未二十七年大風雨壞民廬舍高岸有變為谷者俱同上

江姓捐資請建石門永安各礮臺並置礮位後已請獎

冊檔

庚戌三十年笏竹實歲大旱飢民食竹實採訪

春化石營兵鄒應龍等禦賊於靈山邑人鍾汝廣禦賊於

長樂俱敗績死之

賊目劉八等寇靈山奉調化石營兵五十名協剿馬兵

鄒應龍曾福等稟請奮勇當先力戰眾寡不敵應龍曾

福與步兵張鴻韜楊培光楊正光曾瑞麟六人同時陣

亡賊由是漸擾至合浦邑人鍾汝廣素有膽略驍勇能

戰亦奉調帶勇剿賊與戰於合浦之長樂墟廣先陷陣

後隊不繼遂遇害卒後廉州府輓聯云志探深穴生擒

虎奮鼓前鋒死化猿鄒應龍等六人總兵官楊口口請

准獎卹各給銀五十兩祀百花亭內昭忠祠鍾汝廣祀

石嶺義勇廟冊檔

冬十一月西匪劉八寇青平同上

先是賊首劉八糾黨數千寇廉境逼近縣界是月二十

四日入青平防禦兵勇失利陣亡兵丁駱有芬一名賊

勢猖獗眾至數萬流劫四鄉時太平日久一旦被寇人

心恇怯奔竄流離十二月十八日賊分股劫石嶺兵勇

拒戰敗績賊沿途焚殺大肆擄掠退回青平知縣邱在

濂諭邑紳江熙和戴尚游等馳郡乞師是月二十四日

千總銜方源帶潮勇九百名抵城

辛亥咸豐元年

恩科 免道光三十年以前民欠

夏五月官兵追剿劉八於沙河擒誅之

正月初五日方源由城進兵於堡下村後舊營嶺駐紮
初八日接戰大勝殺賊數百名生擒數百名奪鎗礮器
械無算賊夜遁兵勇乘勝追剿賊黨漸散至五月在沙
河圍擊全股撲滅擒劉八解郡梟首示眾俱同上

癸丑三年竹實盡大雨雹草木雜稼多傷採訪

秋蝗飛蔽日傷禾稼縣主懸賞捕之鄉民亦鳴鑼擊鼓
驅逐數日飛適別境同上

七月西匪朱十四寇境知縣張書璽督師剿敗之備冊

博白匪首朱十四率黨數千是月十一日劫石角三合
等墟知縣張書璽請兵高廉道伊霖調守備陳瑞麟督

兵勇進剿失利潮勇吳昌李臣林雄陣亡八月二十二
三數日至急水石嶺大肆焚掠四鄉居民不勝荼毒九
月初石城兵勇進營合江與戰又不克初八日賊踞青
平道憲添撥兵勇合邑紳羅汝翼募廉勇一千名初十
日書璽督師圍青平四面協攻大獲全勝擒斬甚眾賊
遁西地後被地方官撲滅拏首匪誅之

八月西匪朱德安寇青平練勇擊走之

博白賊日朱德安糾黨千餘是月二十七日竄踞青平
流劫白路嶺羅姓練勇拒戰敗績被害十餘人九月初
三日廩生李郁督帶廉勇進剿擒斬甚眾賊奔回西地
而散

冬十月西匪寇安鋪鄉勇拒戰敗之

是月二十五日西匪糾黨數千由仰塘入寇安鋪抵墟旁新安船勇數十人禦敵仗神威西風助勢與戰勝之賊潰遁擒斬甚眾逾日鄉民猶陸續拏獲誅之

甲寅四年秋西匪黃十一寇境官兵協剿破之

賊目黃十一由化州中洞竄入石角太平店流劫四鄉知縣張書璽都司楊紹能潮勇隊長方源督軍進剿七月初九日戰於丹竹水傷斃兵勇謝欽彪殷得勝李應保陳啟明李振英林春榮六名潮勇亦有損折方源被擄勒贖再調欽州營參將廖達章督勇協攻大敗之賊由平定竄回西地

乙卯五年洋匪李亞快入兩家灘港焚江聯興當劫陳泰來當並擄人勒贖

丙辰六年春三月博白賊目陳國章率黨千餘竄踞榕木鋪

武生羅揚武等帶練勇擊走之

俱同上

夏有大黑鳥飛墜署前旋斃衙役賫棄北城隅後三日風雨大作即從棄鳥處圮堞十餘並壞民舍甚多

採訪

丁巳七年春夏穀價騰貴斗穀錢四百餘

同上

夏四月西匪徐十五等寇禾寮塘官軍撲滅之

備冊

是月初九日西匪徐十五大謝八大邱大等率黨數千踞禾寮塘新屋場等處大肆擄掠二十三四數日竄入石博交界之丹兜那納環理天鵝根等村焚劫附近練勇與戰不克隊長武生彭玉瑞郭文光光子郭亞九練丁陳觀養陳十三等陣亡二十八日知縣敖翊臣督兵進剿殲賊數百名斬首五十二級割耳辮無算生擒三

十五名賊懼奔回西地後線拏匪首謝八大解省正法
戊午八年春正月西匪朱亮七等寇坡禾地武生羅崇齡等
禦賊死之二月集兵再戰大勝賊潰散

博白賊首朱亮七朱十九踞坡禾地殺防禦勇管亞六
管亞二知縣聶爾康諭調練長武生羅崇齡羅揚武統
帶練丁五百名進剿敗績隊長羅崇齡羅揚武胞姪羅
天春羅天佐並練丁羅士文羅念宗羅亞光羅天章羅
天錫羅天周羅炳忠羅炳信羅汝章羅汝茂羅汝熙十
五人同時遇害賊竄踞方埔村再調軍功六品吳德安
督帶練勇二百名剿之仍失利陣亡隊目吳大方礮手
吳勸孫吳譚出吳德福吳劉彰五名軍威稍挫又調縣
丞江溫利帶勇八百名二月初十日接仗陣亡兵丁陳

常安黃尙仁梁元祥鄉勇彭邦隆彭亞六等又調撥大
直保安勇三百名添募潮直新安各勇連前共二千六
百名是月十七竟日鏖戰大勝之般賊多名賊奔合浦
之山口墟兵勇追擊連勝賊遁西地而散

夏四月西匪朱十一等寇石灣村鄉勇擊走之

賊目朱十一李六等率黨是月初間寇石灣村十七日
竄擾蒙村等處知縣聶爾康諭附貢生黃選青督勇進
剿二十三日與戰大勝傷斃練丁黃福五一名次日進
駐石頸墟二十五日鏖戰斃賊甚眾李六被傷賊竄塘
蓬墟再調廩生陳兆玉督合石勇協擊賊退回西界陰
橋墟五月復出掠平山竄踞合浦之山口墟兵勇四面
圍擊殺賊無算賊奔西地而散

是年奉行保甲俱同上

是年地震採訪

庚申十年正月初三地震屋宇搖動有聲

秋蝗飛蔽日食禾稼數日飛去俱同上

壬戌同治元年

恩科 免舊欠錢糧冊檔

夏秋彗星見於西南轉西北光燄半天數月始沒採訪

冬十二月髮逆陳金缸分黨寇太平店知縣敖翊臣督軍

大破之

先年二月髮匪陳金缸據信宜迭擾鄰縣是年十二月

匪黨劉超分股由化州入寇太平店石角吉水等墟擄

掠焚殺逼近縣治三十餘里知縣敖翊臣會同張都司

督兵進剿邑廩生羅汝彥先出資籌辦軍實翊臣請調

都司銜盧振綱帶德義勇一千名駐紮太平店賊來攻

十七八連日大戰德義勇目潘浩勇丁黎麟周財朱亮

張庚會福盧能等陣亡兵勇大勝擒斬甚眾賊竄回信

宜冊檔

癸亥二年春二月西匪朱二十八寇長山兵勇擊敗之

賊目朱二十八率黨數千是月初間劫長山李村等處

初六日練勇進剿破斃練丁張玉仁一名旋被官兵圍

攻殺賊多名生擒十餘名賊潰散

夏四月髮匪分擾山底村練紳劉傳芬禦賊死之

髮匪分掠山底村是月初十日防禦鄉勇接仗敗績生

員劉傳芬練丁劉茂生劉傳統劉時高劉亞裕等陣亡

賊匪亦多傷斃遂竄不復來俱同上

是年穀價騰貴民艱食採訪

冬十一月潮勇梯城劫鋪兵勇追捕獲賊誅之檔冊

是月二十九夜潮州散勇踰城劫掠城內正豐號傷鋪

伴四人內斃岑瑞侯一名旋經局紳羅士奇羅汝彥懸

賞授策兵勇追至化州拏獲創匪吳強方孔方良吳有

光方亞太謝阿秋郭阿意鍾耀茂周點陳晚等解案就

地正法

十二月陳金缸匪黨密約襲城初九日事洩捉獲匪首

彭兆標黃二十九等正法並拏賊匪數人其黨遂散俱同上

甲子三年春大雨雪傷雜稼 秋大風採訪

十月朔夜有星隕南方光芒如斗同上

冬十一月初八西匪夜劫馬樓埔鄭姓拒捕傷主局紳

羅汝彥偵賊歸路使鄉兵邀擊獲匪二十四名解案正

法檔冊

戊辰七年秋七月初七八連日大雨平地水深數尺沿河居

民壞廬舍城廂內外尤甚又有蛟隨水下長數丈頭角

浮現鄉民多見之採訪

是年通縣稟請改河由松明書院前出牙鷹石過與二

橋合流至圓嶺仔方合舊河十一年又改自林宅前出

過荔枝圓尾亦至圓嶺仔方合舊河檔冊

己巳八年秋蟲傷禾稼採訪

庚午九年夏五月蟲傷秧苗蟲大如指鄉民撲殺之數日始

盡

秋九月十五颶風暴雨壞民舍拔大木

辛未 十年十月初一雨雹傷禾稼俱同上

壬申 十一年

詔免六年以前民欠錢糧冊

七月大風雨壞民舍 樞星門墜落採

癸酉 十二年四月九月地震十二月二十三日大雨雹

甲戌 十三年訛言法夷以神仙粉毒人井水生蟲

夏彗星見於西北雞鳴後四方俱見數夜始沒俱同上

乙亥 光緒元年

恩科 免同治十年以前民欠錢糧冊

秋八月彗星見於西北採

丙子 二年署道何應祺示禁索贖斷業碑壁在府城隍廟門東壁 檔冊

為曉諭遵照事照得高屬民風向稱馴樸近來陋習每有將產業賣斷與人投稅過割多年忽然備價取贖或謂子弟贖賣或謂局賭勒寫或謂勒價指贖任意講張混行控告因之遂有搶割械鬪等事推求其故總由從前田價便宜此時田價騰貴欲照從前賣出之價以得此時便宜之田又因道光季年以來地方多故急於賤價售人現在復圖取贖轉賣圖利又有初賣之業係屬新闢荒土經買主種蒔落肥耕熟樹藝易生垂涎膏腴亦有明知田不可贖意圖買主周濟迫所求不遂為棍徒挑唆遂至成訟而官吏之顛預者竟有斷令准贖或斷令買主找貼銀錢奸徒以為得計刁風愈長查絕賣之與典押契據迥然各別即使公置產業為子弟盜賣但能向盜賣之子弟追責亦不能向買主強索蓋田產與器物不同器物可串通偷盜田產必有收管印契之人買主據契置產固不得以爲罪又查本地土俗亦有限期以防典業者延不繳息一經投稅即將原立年限裁去然此種情節百中不過一二官司訊斷總以契據為憑即深知原委亦無自斷准取贖除通飭各屬查照外合行出示曉諭爲此曉諭軍民人等凡屬立有絕賣字據之產均不准取贖敢有恃強搶割者即嚴科其搶割之罪嗣後典業之人斷不可前寫絕賣字據後批取

贖年限為典業者詐騙如以前業經受騙其年限又經
裁去祇存絕賣字據亦祇照絕賣科斷萬無准其取贖
之理木道體察民情為爾等割斷從前葛
藤并以塞將來弊竇各宜凜遵毋違特示

丁丑三年夏五月知府張聯桂示禁漏稅重罰碑壁安舖武

為嚴禁偷漏稅餉違例重罰以除弊政事照得設關征
稅當知有定之向章報驗抽查易啟無窮之流弊是以
杜奸商之偷漏例有倍罰明條防胥役之貪凌官必隨
時嚴禁高郡征收稅餉向於各屬分設總子各口派撥
書巡在館經理所有應稅貨物均係按則征收不准額
外需索乃有無知商賈往往繞道偷越匿不報稅迨被
巡役拏獲其害不可勝言本府下車之始即訪聞近來
各稅口書役於報驗之稅並不認真確查一遇查獲漏
稅率皆違例增多從重議罰稍不遂欲即捏情誣告以
致控爭之案層見疊出甚或先經賣放別串夥伴以截
拏或教誘隱瞞密遣腹心以起獲且有將稅館私自遷
設別處使商販不知經過輒指為有心偷漏緝獲到館
即將貨物扣留任意勒索不滿其慾壑不止少則二三
倍四五倍多則七八倍十餘倍不等罰款一日不清貨
物一日不放卒至懋遷阻滯過時而本利俱虧負販經
營被罰而資財盡喪在商民見利忘害罪固無可幸逃
爾書役作奸犯科患更甚於訛詐推其通同作弊無非
貪賞分肥惡習相沿由來已久似此擾累商民殊屬有

干法紀亟應禁止以絕弊端合行出示嚴禁為此示仰
該稅口書吏巡役及經過商販人等知悉嗣後該書巡
經管稅口必須照則征收認真稽查漏稅如有奸滑商
販繞道偷越匿不報稅者經該書巡查出拏獲務當確
遵定例按照應稅數目酌加一倍示罰以儆效尤倘敢
違例增多額外需索一經查出或被各知守法貨物到
口趕緊赴館報明照章納稅毋得有意偷漏出錢買放
任聽蠹役教誘轉致墮其術中自貽伊戚其有將稅館
遷移別處者准爾商民隨時呈控聽候本府提案訊明
分別斤革究辦各
宜凜遵毋違特示

戊寅四年二月羊角風起自較場旋至東南城隅吹圮雉堞
數丈採訪

庚辰六年秋淫雨大水沿江民居多圯俱同上
辛巳七年免五年以前民欠 重建龍頭沙礮臺 奉行保

甲冊檔

壬午八年秋彗星見於東南光芒如帚數月始滅採訪

癸未九年茂名莫毓林結黨謀逆事洩四散毓林被獲正法

餘黨唐玉墀逃在邑之安鋪被監生陳鳳翔等捉獲解

省懲辦冊檔

乙酉十一年通縣稟請改復舊河因前兩次修改不利故仍

照舊

知縣郭樹榕修城內街道上同

十月二十夜眾星戰於西北往來閃爍光燄異常採訪

冬旱歲荒官禁造酒耗米穀價平減採訪

丙戌十二年春三月地震夏穀價騰貴紳耆議發義倉穀並

採買洋米分設安鋪石嶺青平良垌本城太平店塘蓬

七廠平糶賑濟

是年奉行就地正法新章冊檔

先是兩廣總督張之洞廣東巡撫倪文蔚奏定新章凡有盜匪會匪鬪匪實在害民者該地方州縣營汛官務即一體查拏審實或分解道府覆審或委員就地覆訊稟候核批正法知府楊霽諭各屬勒石於城鄉要處嚴禁結盟拜會聚眾搶劫擾害百姓犯者按照新章就地正法族紳耆老徇隱一併連坐並諭飭嚴行保甲凡十戶為一牌填明十戶姓名年歲職業父母兄弟妻子奴僕雇工名口其後開列鄉正副社長甲長十長姓名聲明本牌十戶內並無為窩匪等情弊是為良冊又將本鄉內有抗違不遵練者寄籍者自新者歹行者於冊末逐一註明是為歹冊本邑奉行查辦分別懲警全境肅清

丁亥十三年夏六月十七日星書見採訪

秋八月初颶風三次同上

己丑十五年特開

恩科冊檔

夏四月雨雹採訪

是年冬大修府城本邑管修城垣照舊派定段落七十

丈仍自三百九十八個塚子起至四百七十七個塚子

止縣冊茂名其中原無城樓礮臺此次在管修內增建

礮臺一座冊檔

庚寅十六年夏五月署廣東巡撫游智開示永禁賄賣案首

碑豎文場內 冊檔

為出示勒碑永禁賄賣案首事照得考試為國家掄才大典乃府廳川縣竟有賄賣案首情事抑屈真才敗壞士習莫此為甚夫十載寒窗飽嘗辛苦一旦懷瑾握瑜出而應試方欲以干人辟易之雄才為一鳴驚人之前真才轉居虛後不特當局向隅而泣即旁觀亦扼腕而嗟且行賄者獨不思府縣試乃士子發軔之始初基不慎萬事皆墜又安望其異日出身加民文為清白吏武膺干城選耶至地方官忝居民上有培植人才之責有轉移風化之權乃積習相沿幾同常例甚至本官納賄而同城之教職巡典武弁以及本署之朋友家丁有挾而求賣及前十名者賣及二十名三十名者以朝廷求賢之典為若輩漁利之方不大堪痛恨耶本署院密查各屬力除積弊者固不乏人而隨俗浮沈者亦復

不少合行出示並在各屬貢院勒碑愷切曉諭永遠禁止為此示仰聞省文武童生知悉爾等家世相承務當父詔其子師勉其弟文則專業詩書武則嫻習弓馬莫存倖進之心常懷懷刑之戒為之上者尤當臨財毋苟見利必思勤按閱以拔真才勵廉隅以端士習倘仍寡廉鮮恥賄賂公行一經訪聞或被稟評定將承考官從重參辦該童等治以與受同科之罪仍候咨請 學院嗣後遇有文理不符之案首立予扣除發交有司官嚴行查訊分別究辦以昭核實其各慎遵毋違特示

秋七月十五夜地大震有聲如雷 八九月大旱縣坊

尤甚邑官紳設壇禱雨

冬賞老人粟帛

十二月天雨黑米邑豐一二都坡地閒有之

辛卯十七年春大疫城廂尤甚

壬辰十八年夏六月道憲李有葵示禁差役借妄碑豎廩興 冊檔

為嚴禁借妄事訪得州縣額設差役原供本官票差下鄉捕盜傳人等用除要案另酌外州縣尋常票差亦不

過數役而該役等必帶隨從幫差多人莫不乘轎下鄉
 合之與夫幾百十人種種需索滋擾不異被盜合村之
 雞犬並為之不宥被告之家情概可知實為高廉欽屬
 民害難容泄視且多違例借情用紡絲絹綢緞紗綾羅及
 各樣細皮並稱別號種種借妄嚴同搢紳實屬違悖
 功令視王章可惡已極除通札勒碑嚴禁外亟出示曉
 諭為此示仰轄屬州縣差役知悉爾等須知質樸乃積
 福之基安分各該州縣差役既已投充衙役尤應遵守官
 常自示之後各該州縣差役奉票下鄉辦案不准坐轎
 稱號其衣穿照例准用棉繭葛苧梭布羊皮以重流品
 而嚴僭越倘敢再違定式一經訪聞或被告發定提草
 究決不姑息各宜永遠遵守毋悔噬臍切切特示

雜錄附

楊思勳舊唐書本姓蘇羅州石城人為內官楊氏所養以
 閹從事內侍省預討李多祚功超拜銀青光祿大夫行
 內常侍思勳有膂力殘忍好殺從臨淄王誅韋氏為爪
 士累遷右監門衛將軍開元初安南首領梅元成叛自
 稱黑帝與林邑真臘國通謀陷安南府詔思勳將兵討
 之思勳至嶺表鳩募首領子弟兵馬十餘萬取伏波故
 道以進出其不意元成遠聞兵至惶惑計無所出竟為
 官軍所擒臨陣斬之盡誅其黨與積屍為京觀而還十
 二年五谿首領覃行璋作亂思勳復受詔率兵討之生
 擒行璋斬其黨三萬餘級以軍功累加輔國大將軍後
 從東封又加驃騎大將軍封號國公十四年邑州賊帥

梁大海擁賓橫等數州反叛思勛又統兵討之生擒梁大海等三千餘人斬其黨二萬餘級復積屍為京觀十六年隴州首領陳行範何遊魯馮璘等聚徒作亂陷四十餘城行範自稱帝遊魯稱定國大將軍璘稱南越王割據嶺表詔思勛率永連道等兵及淮南拏手十萬人進討兵至隴州臨陣擒遊魯馮璘斬之行範潛竄梁州投雲際盤遼二洞思勛率眾攻之生擒行範斬之斬其黨六萬餘級獲口馬金玉巨萬計思勛性剛決所得俘囚多生剝其皮或髡髮際掣去頭皮將士以下望風懼憚莫敢仰視故所至立功內給事牛仙童使幽州受張守珪厚賂元宗怒命思勛殺之思勛縛架之當作數日及採取其心截去手足割肉而啖之其殘酷如此二十

八年死八十餘歲

張志

宋開寶間羅州陷舊志相傳州出白牛摩城數日官令繫之竟無覓者遂合剝焉越日雨水暴溢州東北數十家陷為一湖一巡檢與焉後旁居民祭社每見形稱巡檢官又湖中或流出前朝瓦器今天旱禱雨取水於此往往有驗云同上

咸平六年邑民劉詵妻一產三男

黃府志

明嘉靖二十三年有妖人人家每夜然燈防守各執生竹擊之乃止

張志

萬曆十八年夏五月有妖人人家侵壓婦女來時或黑氣或獸形被壓處即青黑色城中鳴鑼戒夜不瞑目惟用青竹撲之月餘始息

崇禎十年夏五月城中有妖或黃昏或夜半往往拋沙石擊縣署及吏目廳覓之不見影迹俱同上

國朝

順治六年明李明忠踞高州開考應考者不論文字捐穀

三十石準作秀才一名節茂名王志

海島洞天在縣西海島其中山多欖木海波環流相傳舊

有漁人泛舟至此見花果長春若有心挾帶則迷其途

或著意往尋則失其處真海外神仙窟宅也張志

靈巖在安鋪天后宮前相傳有漁者捕魚於河至深處遇

一竅其光閃閃漁者隨光處進約在神殿之下內有一

洞輝煌如晝怪石離立少頃波濤洶湧如風雨至漁者

驚駭迷前途倏見一大魚搖尾隨而出之探訪

七家潭俗名七姑潭在縣西沙剗墟北七八里許廣數畝

深莫測相傳有七家陷其處故名漁人嘗網得瓦器非

時下物道光間龍從潭起二次近鄉人畜無淹沒者亦

靈區也探訪

同治五年丙寅九月至十一月廣東巡撫蔣益澧三次遣

恩平開平客民四千餘往瓊州亦有安插高州各屬者

後已巳八年又分插客民於石城各墟檔冊

光緒十五年己丑十一月營兵張瑞良妻羅氏一產三男


探訪

光緒十七年辛卯夏四月十五日午刻城南四十餘里距

東西朗村里許土名狐狸窟嶺陡起黑氣隨風旋轉忽

白氣一道從東北來冲合愈旋愈高又有黑雲自空降

相合旋繞一時天昏地黑風勢愈烈經過處樹木多拔
至荷木院村袁姓十餘家屋宇盡掃傾圮人亦壓傷幸
不殞命雞犬耕牛十無存一餘及白糖村水鋪掃趕埔
等處亦多被害時有牧童二人牛四頭旋起半空越數
嶺始墜人幸無恙而牛則肚裂而死云



石埭縣志
卷九

本

